

Zirlai, hna zawng mek leh hna-thawh mek te tan Hostel fai leh thiangleim, ei leh in tuihnai, tui hniangleim, free wi-fi, two wheel-er free parking awm thlap, thlenin mamawh tan pawh man tlawm tein a thlen theih bawh e.

Rainbow Hostel  
Y-131, MZU Road,  
Luangmual, Aizawl  
Ph. 9436140576 / 7005598481

# The Aizawl Post

RNI Regn. No. MIZMIZ/2003/12043 Postal Regn. No. MZR/56/2018-2020



The Aizawl Post  
Office : G-7, Chanmari,  
Aizawl; Mizoram  
796 007  
Ph: 2341869  
Website:  
https://theaizawlpost.org  
e-mail :  
aizawlpost@rediffmail.com  
theaizawlpost@gmail.com

Milner-a'n boot a khai P-7

Kar tawpah US leh Iran an inkap thar leh P-4

Box office-ah 'Backrooms' a No.1, director Kane Parsons-a'n record a siam P-8

VOL. XXV NO. 130 AIZAWL, THAWHLEHNI, JUNE 2, 2026

A man: Thla khatah Rs. 200

## Aizawlah 'Zebra Crossing' hman dik dan inzirtir tan

Aizawl Traffic Police chuan kea kal mipui him zawkna atan leh traffic chevel a felfai zawk theihnan 'Zebra Crossing' ngaihpawimawh chu nimin, June 1 atang khan Aizawl khawpui chungthung tlangdungah a kalpui tan.

SP Traffic Aizawl chuan May 29 khan mipui hriattirna a tichhuak a, dan tlawhchhan hmangin lirthei khalhtuten Zebra Crossing thlen dawnin fimkhur taka tlan muang a, kawng kan turte tana hlauhawm leh hlauhawm loh enlawk thin turin a chah. June 1 atangin Aizawl Traffic Police chuan Zebra Crossing kaihnawihna dan bawhchhiate lakah na zawkin hman a la dawn tih sawiin, dan bawhchhiate chu The Motor Vehicles (Amendment) Act 2019 Section 177 & 184 angin hrem theih an ni tih a sawi. Kea kalte pawh kawng kan dawna fimkhur taka



kawngpui enchiang hmasa thin turin an ngen tih a sawi bawh.

Hemi ang hian June 1 atang khan hma lak tan a ni a, Traffic Police-ten Zebra Crossing hi uluk taka vilin, dan zawm lote chu dan dik an hirih. Dan zawm tha an awm laiin, Zebra Crossing chungthungah dan awmsa la hre lem lo leh ngaihpawimawh lo an awm nual

ti an sawi a. Kea kalte pawh kawng kan chungthungah zirtir an la ngai hle tih an sawi.

SP Traffic Aizawl chuan, tunkar chungthung lo chu dan bawhchhiate man emaw hrem emaw ngal loin, inzirtirna hun atan an la hmang anga, inn-gaihnathiamna atana hun ruat chungthung erawh an la ngaihtuah tha dawn tih a sawi a ni.

## Dr LN Tluanga thlah liam

Mizo pa hmingthang, science zirna lama a hmahruaitu pakhat, rawngbawlna lama thawh hlawk Dr LN Tluanga, May ni 31 tlaia boral chu Thawhtanni khan thlah liam a ni.

March thlaah khan a kal a tha lo tih hriatchuah a ni a, Aizawl Hospital-ah enkawl niin, dialysis te an ti a, Chawlhni tlaiah khan dialysis hi a wavi ngana atana an tih laiin thlamuang takin a chawh ta a ni.

1955-ah BSc a pass a, chumi hnuah Calcutta University-ah MSc a pass leh a, Mizo zinga MSc zo

hmasa ber a ni. 1974-ah PhD a zo leh. 1967 October atanga 1973 June thlengin Gauhati University-ah mathematics zirtir hna a thawk a, Mizo zinga university-a post graduate zirtirtu hmasa ber nia ngai a ni. Damdawi ina a awm laiin May ni 14 khan Mizoram Science Society-in Mizoram Science Award hmasa ber an hlan nghe nghe.

Mizoramah education department director hna a thawk a, he hna a thawh lai 1982-ah missionary ni tura inpein a hna hi a bansan a ni. 1997-ah missionary at

ang hian a pension.

Thuziak lamah pawh a inhmang a, 2023 khan Mizo Writers Association-in Mizo Literary Award an hlan. Thu a ziah bakah hla pawh a letling a, Kristian Hla Bu-ah pawh a hla lehlin a awm.

A lai ah hming chu Lalnuntluanga a ni a, 1933-a piang a ni. 1960-ah Biakveli nen an innei a, fa pali, tu 14 leh tuchhuan panga an nei.

Dr LN Tluanga hi Kohhran Upa a nihna Mission Veng Presbyterian Kohhran biak inah thlah liam a ni.



May thla a liam a, April par a la vul. April par hi Mizoramah a lar a, tualto ni lo mah se tualto emaw tih tur khawp a ni tawh.

## Mizotaxi mobile app hmang duh lo


Aizawl, June 2

Mizoram sawrkarin passenger phur lirthei hoin sawrkar rate siam anga an tlan theihna atana mobile application hmang tura a tih chu hetiang eizawng pawl ho chuan an hmang duh lo tih an sawi a. Vawiin - Thawhlehi hian Transport minister hoin an sawikhawm dawn.

State Transport Authority (STA) Mizoram chuan passenger phur chi lirtheia chuangten sawrkar pawmpui rate diktak an chawi theihna atana sawrkar leh Digiride Technology Pvt. Ltd. NIT (Mizoram) tangdunin an duan - Mizotaxi mobile app chu peih fel a ni ta tih May 29 khan a puang a. Sawrkar duhdan angin Aizawl khawpui chungthung bul tan phawt tur niin, a tahtawlin district dangah pawh kalpui tum a ni tih a sawi.

STA thuchhuak ang chuan, 'Mizotaxi' app hi kumin July 1 atanga hman tan tur a ni a. Aizawl khawpui chungthung service four wheeler taxi, two wheeler taxi leh autorickshaw chu June thla chungthung registration tifelek turin a hriattir a. June chungthung in-register tan registration fee kumkhatah Rs. 600, a hnulama in-register tan kumkhatah Rs. 1000 an pek a ngai dawn tih a sawi a ni.

STA thuchhuak hi Mizoram Taxi Association



tion, Aizawl Two Wheeler Taxi Association leh Aizawl District Auto Rickshaw Owners Association chuan hman tha an tih loh thu sawi ngal a. A rang thei ang bera sut a nih theihnan thuneitute dawr nise, tiin, an member-te pawh in-register rih lo turin an inhiattir.

Heng pawl pathum hruiatute hian Thawhtanni khan Transport minister hmuh an tum a, office a kal lo nia sawi a nih avangin vawiin - Thawhlehi hian an hmu dawn.

Heng pawl hruiatute pakhatin The Aizawl Post zawhna a chhan danin, sawrkar ruahman na hi ruahman fel vek a nih tawh hnu ah hman tum a ni tih hirihhriat an ni chauh. Ruahman na hi an duh lo ngawr ngawr a ni loa, registration fee chawi ngai leh kilometre rate a hla leh hna deuhah pawh inang awm nual te, rate/ fare laklawh deuh tam lutuk leh, an tana mobile application hman a la har avanga zawkin tun ami ang hi chu an tlin lo tih thlen an tum

ti a sawi.

Kum 2021 khan Aizawl-a two wheeler taxi service ho tan mobile application - 'Huiva' tih chu hman tum a lo ni tawh a. Chhan hrang hrang vangin a puitling zo lo tih sawi a ni. Chhan pakhatin chuan internet chak loh vang nge, 'location' a share zung zung thei loa, Aizawl tlak lama an hman hnu ah, Aizawl laili lai an thlen hnu ah pawh a la in 'update' mai thei thin loa, chu chuan taxi khalhtute a tibuai hle tih sawi a ni.

## Muga pangang khawitu tan Bul tiak

Muga (silk) pangang khawite chawi atana hman Bul tiak chu sawrkarin Mualpheng leh Keifanga kuthnathawktute a thawhpuite hnenah a sem dawn a. Thawhtanni zing khan Sericulture minister Lalhthansanga'n a vailliam.

Bul (Som) tiak hi Central Silk Board, Boko Guwahati nursery atanga lak a ni a. An bana kaih tum mi 60 phun turin tiak 16000 lak a ni. Acre (tin) 61 hmun vela zaua phun tur a ni a, Bana Kaih

Scheme hnuaiah Sericulture department leh Mizoram Khadi & Village Industries Board tangdun project niin, Saitual district khua Mualpheng leh Keifanga kalpui a ni.

Minister chuan, Muga Project kalpui hi cheng vaibelchhe 4.9 hmuhna tur ni mah se, sum a lo la lut zung zung loa, heti chungthung Sericulture department leh MKVIB-in sum thawhin, lo vahna a hmunah a khur laih endikin sumfai an pezel hi, he hmalakna hian

loneitu rethei zawkte a thleng phak tih a tarlang tih a sawi a. Tawi bialtu MLA, minister Prof Lalnilawma'n an mamawh community water tank a dah sak dawn avangin lawmawm a tih thu a sawi bawh.

Kumin May 3-a Mizoram rawn tlawhtu, Union Textile minister Giriraj Singh pawhin district pali - Lunglei, Champhai, Saitual leh Siahaah nasa lehzuah la Muga silk pangang khawina atan fund pek a

tiam tawh tih a sawi a ni.

Bana Kaih hnuaia Muga Project-a mi 60 thlan hian pakhatin tin khat hmun, tiak 650 zelin bul an tan dawn a. Muga pangang ei tur Som thing hi kum thum vel chungthung a puitling thei a, a puitlin rualin Muga silk pangang a kungah an dah ang. Muga pangang cocoon hi a to hle a, kg khat Rs. 30000 - 40000 a ni phak tih sawi a ni. Thla khat tling loa a cocoon hi a thar thei nia sawi a ni bawh.

## Ruihhlo donaa hman atan CYMA-in lirthei 6 a dawng

Central YMA chuan sawrkar laipui atangin ruihhlo donaa hman tur lirthei paruk a dawng thar.

Kumin March 15-a

Aizawl-a Union Home minister a lo zin tum khan Central YMA hian ruihhlo donaa hman tur lirthei an lo dil a, tun tuma lo thleng hi Ecco Van pathum leh Mahindra Bolero Camper pathum a ni. Bolero Camper pathum a la thleng loa, a thlen hunah Central YMA hnenah hlan leh a ni ang.

Tun tuma lirthei thleng ho hi Thawhtanni khan Excise & Narcotics minister Lalnginglova Hmar chuan Central YMA hruiatute hnenah a hlan a. Mizoram ruihhlo do kawnga pawl thawhhlawk tak, YMA-in ruihhlo do donaa hman tur lirthei an dawng chu lawmawm a tih thu sawiin, ruihhlo do kawngah public-private partnership angin an kal a ni ber tih a sawi.

Narcotics Control Bureau-in YMA hmalakna a hria a, Mizoram-a office rawn neih an duh tih sawi-

in, "Tunhma aia thawhho-na tha neih a tul. Mahni hun laia theitawp chhuah hi hriatreng an ni thin," a ti.

Central YMA president R Lalngetha chuan, ruihhlo do kawnga hasratna tam tak an tawh kara lirthei thar an dawng chu lawmawm a tih thu a sawi a. Excise & Narcotics Department leh YMA thawh dunna a chhe ngai

loa, zanlai pawh sawi loin a tul hunah an chechhuak zel thin chu a lawmawm tih a sawi.

Thawh dunna tha zawk neih zel an beisi tih sawiin, "Keini lam hauh kan tul pawhin min hau hreh lo ula, mit tikham kan awm chuan min hirih hreh lo ula, a tul angin kan inthun/ chawhlthir zel ngam," a ti.

Circulation Manager 7005598956

VAWIIN KHAW CHIN

Time	Forecast	Temp.
Zan dar 11-zing dar 5		19°
Zing dar 5 - chhun dar 11		24°
Chhun dar 11 - thai dar 5		27°
Tlai dar 5 - zan dar 11		20°

CHANCHIN TAWI

Vaihlo Do

Kumin May 31-a hman thin vaihlo leh a kaihnawih that lohzia inzirtirna ni - World No Tobacco Day chu nimin khan district thenkhatah hman a ni a. Kumin thupui atan "Unmasking the appeal - countering nicotine and tobacco addiction" (Tawktarh itawm phena tur - vaihlo ngawl vei do let) tih hman a ni. Lungleiah chuan BKHP Chhawmdawl-na In, Melte Serkawnah hman a ni a; Saitualah chuan, Govt Middle School-II zirlaite nen hman a ni.

Lawmpui

Indian Red Cross Society Mizoram Branch-in kumin World Red Cross Day-a taxi driver thaa a thlan chhuah, AMC Ward-16 huamchung ami - B Lalpianmawia leh B Vanlalhruiatluanga, Bethlehem Vengthiang Taxi Stand ve ve leh PC Lalhruiatluanga, Bethlehem Veng Taxi Stand chu nimin khan bialtu corporation, deputy mayor R Lalawmpui chuan lawmpuina thiipek a hlan. Taxi khalh hna chu eizawna satliah mai ni lo, midang tana rawngbawlna hna pawimawh a ni, tiin, a bial chungthung driver tha thlan chhuahthe thlamuanpui-awm a tih thu a sawi a ni.

Khap

Vawk pul hri African Swine Fever (ASF) laka an him theihna atan Mamit district magistrate chuan dan tlawhchhan hmangin an district-ah ram dang (foreign) leh state dang leh Mizoram district danga ASF lenna atangin vawk, vawksa rep leh vawksa atanga siam lakluh a khap. Vawk neituten vawk damlo hralh /talh lo turin a ti bawh. He thupek bawhchhetute chu Section 223 BNS 2023 hmangin hrem theih an ni tih a sawi a. Khapna thupek hi thidngam emaw hnuhlet emaw a nih loh chuan, chhuah a nih atanga thla hnih chungthung a huam dawn tih a sawi a ni.

Ministry of Home Affairs thurawn angin lirthei dilna hi Excise & Narcotics Department kaltlanga thehluh niin, kumin January 21 khan Bolero Camper paruk leh Maruti Ecco Van pathum leina atan cheng nuai 88.95 phalna hmuh a ni.

## Rajya Sabha MP tur ngaihtuah dawn

POST NEWS SERVICE

Thawhlehi hian sorkarna changtu ZPM-in Rajya Sabha MP tur an ngaihtuah tan dawn tiin a sawi theih; Nomination Committee an thu dawn.

Nomination Committee hian an hrual mum ngal ang em tih erawh hriat a ni lo a, an wavi khat thut-khawmna turah hian candidate tur an tifelek ngal ang em tih hriat ni lo mah se thudawn pakhat chuan an tifelek ngal a rinawm tih a ni.

Titi-ah chuan ZPM candidate atana hming ri hi pali panga vel an awm; social media lamah Hriata Chhangte hming a ring a, ani hian Rajya Sabha MP nih a duh thu pawh a sawi mai.

MLA ni lai Baryl Vannehsangi hming a ri a, an party thupungtu K Lalnginglova, an party legal department secretary Vanlalsiama Pachau te, an party consultant Er Vanlalneih Ralte te hming a ri bawh.

Thu dawn danin, 2023 inthlan dawn khan Nomination Committee-in K Lalnginglova hi MP atan an lo

ti tawh a, amaherawhchu, hei hi ziaka dah a ni lo tih thu dawn a ni. Chu bakah chuan 2023 inthlan atana din Nomination Committee lo rel tur a ni lo tih ngaihdan a awm bawh a, chutih rual chuan hetiang sawi a lo awm tawh hi a buk tiritu a ni thei tho tih thu dawn a ni.

Legal board secretary Vanlalsiama Pachau hming pawh a ri ring pawh a tang a, ani hi court kal chungthung chief minister tana tangkai reng a nih avangin a buk rit pawh a tang tih thu dawn a ni. Er Vanlalneih pawh party mi pawimawh ni reng a ni a, secretary general ni tawh, Chalfil bialh pawh lo ding thuak thuak tawh, chutiang mi pawimawh a nih avang chuan a buk a rit lo thei lo tih thu dawn a ni. Baryl Vannehsangi hming pawh a ring a, social media lamah chuan a ri ring pawh a ni ang.

Nomination Committee din danah hian party chungthung ngaihdan inang lo a awm a, AMC inthlan dawn thleng kha chuan PAC a paltlang thin a, tunah hian a wavi khatna atan PAC paltlang lovin president-in a din tih dawn a ni. Party elected OB te, president, vice president pali leh treasurer te, K Sapdanga, Vanlalhlana leh Dr Kennet Chawngliana te an tel.



# SASCI leh SNA SPARSH kalpui dan administrative head-te hrilhfiah

SNA SPARSH hmangtu department administrative head-te pualin SASCI & SNA SPARSH chungchanga Thawhtanni khan thukhawm a ni a. Finance changtu chief minister Lalduhoma'n a telpui.

Chief minister chuan, technology thar chhuak zelah central fund kan dawn dan leh a hman dan kalphung changkang ve zel chu awlsamna min thlentur an ni, tiin, SNA SPARSH pawh an sum hnar lian ber kalpui- nanih angin a hmangtu department-ten Chiang taka hriat a tul a. Kum liamta aia kuminah tha zawka an kalpui theihnan hetiang hun hi buatsaih a ni tih a sawi.

Nikumah an thawh- hona a that avangin SAS- CI Part 9-ah Efficiency in



Financial Management incentives cheng vai- belchhe 350 an dawng a. Kuminah hian SASCI Part tina reform-link in- centive awm zawng za- wng dawng thei khawpa tan lak an duh tih sawi- in, "Chutianga kan kal theihnan state sawrkar chuan administrative head zawng zawng char-

ter of financial advisers hnuaiha thuneihna (fi- nancial power) pek kan ni a. Hei hian administra- tive approval leh expen- diture sanction pek ch- uah kawngah awlsamna min thlen dawn a ni," a ti. Kum hmasalam atan- ga an tawnhriat, 'mother sanction' an hmuh tawh chuan a hun taka sum

hman chhuah a, a hun taka SNA SPARSH ac- count an khar theih a ngai tih chief minister hian a sawi a. Administrative head-ten a hun taka utili- zation certificates an peih ngei a ngai tihna a ni, tiin, lo inpeih thlap zel turin an chah tih a sawi a ni. SASCI Part 9 kal- pui dan tharah direct

benefit transfer (DBT) zela scheme tin an kal- pui a ngai dawn a, State Welfare Scheme pawh a huam vek a; department zawng zawngin DBT mode an hman vek a ngai tih a sawi.

"Tun SASCI kal mek (2026- 2027) a Part 4 leh Part 9 ah hian Mizoram tana incentive (thawh that vanga dawn belh) hmuh theih vbch. 650 a awm a. Kan state tana thatpui dawrh theih thil a nih avangin hmu thei ngei turin kan tang tlang dawn nia," Lalduhoma hian a ti.

Workshop hi Insti- tute of Government Ac- counts & Finance leh Mizoram Finance depart- ment tangdun buatsaih a ni a. Hawinna inkhawm zawh hian mithiamten an zirtir zui a ni.

# Champhai district-ah sentut vei nia rinhlelh 27 hmu tawh

Kumin chhunga Champhai district-a sentut vei nia rinhlelh mi 27 an awm tawh.

Hri danna pek ch h u n g c h a n g a h Thawhtanni khan Dis- trict Task Force for Im- munization Champhai chu an addl DC Lal- biakfela kaihhruiain an thu a. Kum 2025- 2026 chhunga an district-a vaccine hrang hrang pek dan report niin, HVP vancine chu Champhai district-a naupang kum 14 leh 15 mi 786 hne- na pek tum a nih lain, a aia tam 819 pek an ni a. Kum January - May ch- hunga khan an sentut hri vei nia rinhlelh mi 27 an awm a, enkawl dam tawhte pawh an awm a ni.

World Health Organ- isation surveillance medi- cal officer Dr Lalhlmpuii

chuan sentut leh Rubella chungchanga hma an lo lak tawh dan a sawi a. WHO chuan kum 2025 khan khawvel pumah sentut hri umbo tumin tan a la a; Mizoramah pawh he hri umbo tumin hma lak a ni. Naupangin vaccine a lak that loh ch- uan sentut hri a vei ngei ngeia ngai a ni tih sawi- in, ngaihthah a nih chuan thihna hial a thlen thei tih a sawi a ni.

Kum 2025 khan Zokhawthara raltlan naupang 45-in sentut an kai a, thawktuten theit- awp an chhuahna azarah Zokhawthar khawchh- ungah hri hi a lut lo hlauh tih a sawi.

Kum khat hnuaila- min hri danna an lak that loh chuan Hepatitis B vei theihna chance a sang a. Hepatitis B hi a vannei chuan harsatna em em

nei loin an damchhungin benvawn angin an pai reng thei a, a vanduai ch- uan zu in miah lo pawhin thin ro a thlen theih bakah thin cancer a thlen thei tih a sawi bawh.

Champhai district-ah sentut hri a darh hlui lohna tura hma lak dan tur an sawi ho a ni a. A pawimawh ber chu nu leh pate an ni, tiin, sentut hri ni awma lang an faten an vei a nih chuan rang taka inentir ngal a paw- imawh tih sawi a ni.

July 1-a Sub- Na- tional Immunization Day hman dan tur pawh an sawi a. He ni in a tum ber chu, zeng hri umbo niin, Mizorama umbo ni mek hi umbo zel a nih theihnan hmalak chhun- zawm zel a ni. Naupang kum 5 hnuailam zawng zawng zeng hri danna hi pek an ni dawn a ni.

# Sawrkar hmalakna sawiseltute hi a hmang tangkai ber ber tu

Sawrkar hmalakna tha hrang hranga lawm ve thei lo, sawiseltute chu a hmang tangkai ber ber tu an ni tih minister Prof Lalinlawma chuan a sawi.

Thawhtannia ZPM party office-a inkhaw- mah minister Prof. Lalinlawma chuan, an sawrkar tirhah harsat- na engemaw avangin kawng an siam ngal thei mai loa, sawisel pawh an tawh hman a. Tunah chuan an tum angin hma an la chho a, power leh tui lama harsatna pawh Aizawl mai ni loin dis- trict khawpui dangah sut- kian zel a ni tih a sawi.

Phunchiar tum deuh leh duh khawp lohna sawiin thenkhatin thawm nei mah se, sawthing leia an hralh zel theite, kum thum kalta chhunga village council tana sum hmuh tur 15th Finance Commission atanga nar- chhuak a, riral mai thei sum vaibelchhe tel, op- position pawh thliar loa an narwhhuah avangin tunah chuan thawh sen loh hna an nei mek tih a

sawi bawh. "Kan hnathawh hrang hrang avangin ZPM nih a nuam a, heti chung hian lawm ve thei miah lo erawh an awm thin. A sawiseltute hi a hmang tangkai ber bertu an ni," a ti.

Aan party policy-a awm, Village Develop- ment Committee din tur an tih chu a Act an peih a, Rules an buaipui mek a. Village council tih chaka hma lak tak tak an tum tih Rural Development min- ister Prof. Lalinlawma hian a sawi. In sak tanpui- na chu online leh survey- or hnenah dilna 54461 an dawng tawh a, uluk taka thlitfim hnuah mi 45604 pawmsak a ni a, disputed cases 8997 awmin, heng case hi an enfel hnuah a hmu tur chin a Chiang dawn tih a sawi a ni.

Aizawl hmar lam tum turin Phase III - Set- lak atangin Laipuitlangah tui an pump chho a, Lai- puitlang atangin Bawng- kawnah, kawngpui lai chhiain tunah pipe an phum zo tawh a, kawng pawh an siamtha leh vek

tawh tih PHE minister ni bawh Prof. Lalinlawma hian a sawi a. An zawh hun chuan Aizawl khaw- puiin tui kan hnianghnar thei tawh turah an ngai tih a sawi.

Mizoram sawrkar leh Assam Rifles inremna (MoU) an ziahah ni khata tui litre 45000 pe tura in- rem chu sawrkarin phur- ritah an ngai loa, an ti thei ang tiin inremna an siam tih a sawi. "Tuna siam mek Laipuitlang atanga pipe chhuak thla hian chhak lamah Durtlang leh Siphir thlengin a tuam anga, hmar lamah Zemabawkah phei zelin Assam Rifles, Territori- al Army Bungbanga- a awm thlengin a zawm thla dawn a, kan inchan sem thei vek dawn. Heng hna hi vawi leh khata zawh ngal vek theih a ni loa, tha leh tlo tur ngaih- tuah chunin hma kan la zel a ni. Politics-ah chi- ang mang lo leh ziktluak loa inbeihna a awm foa, tlin politics ringawt ni lo, development politics hi keini chuan kan bei tak tak a ni," a ti.

# Morphine leh heroin man



Saitual Police chuan Pathianni khan Mani- pur atanga Mizorama lo lut truck pakhat atangin morphine leh heroin nia hriat an man.

May 31 khan Saitual DEF Special Team hian Ashok Leyland AS-01 JC 9512, Manipur kalk- awng atanga Aizawl pan chu ringhlelin Keifang daiah an tiding a, uluk taka lirthei an endik hnu-

ah driver thutna sira kaw siam chawpaw morphine nia rinhlelh kg 6.683 (packet 13) hmuh chhuah a ni. Hei bakah hian hero- in gram 12 an man bawh.

Truck khalthu Raju Giri (32), Karbi Anglong, Assam bakah midang ch- uang ve - Karnamani Das, Nagaon Assam leh Ga- nesh Das, Kamrup Met- ro Assam pawh manin thubuai ziahluh a ni.

# FIR an thelulah hmasawna hmuh a ni lo tih MSU-in thlen

Border Security Force laknaa Mizorama cheng ni loa Mizoram mi leh sa anga insawiten document lem hmanga an luh chungchanga Aiza- wl Police Station-a FIR an thelul chu hmalakna chin an hriat loh avangin Mizo Students' Union chuan Thawhtanni khan Home minister K Sapdang hnenah an thlen.

MSU Gen. Hqrs. hruiatute hian Home minister hi a pisa-ah an hmu a. Mizorama cheng nilo ten, Mizoram mi leh sa anga insawi a, BSF-ah document siamchawpa hna an zawm chungchan-

gah kumin March 6 khan Aizawl Police Station-ah FIR an thelul tih an sawi a. Thla thum dawn a liam hnuah pawh sawrkar lam atanga hmalakna chin hriat a nih loh bakah document lem hmanga Mizo quota-a lutte hian vawi- in thlengin an hna an la thawk zel leh man an la ni lo chu an hrethiam loa, tun aia chak zawka hma la tur leh mi diklote man thuai turin an ngen nawn tih an sawi a ni.

Home minister hian MSU thu thlen, BSF hna laka diklo awm chu thei- htawp an chhuah tur thu a lo sawi a ni.

# Serchhip Hospital sakna sum thawh tur PGCIL la inpeih lo

Serchhip District Hospital sakna atana sum thawhtu tur company leh state sawrkarin thuthlung an la ziafkfel thei lo tih Health minister Lalrin- puii chuan a sawi.

Health & Family Welfare minister hian Thawhtanni khan Serch- hip tlawhin, District Hos- pital, Mercy Hospital leh Health department hmal- akna hrang hrang a tlawh a. District medical super- intendent Dr ZD Lalmua- nawma leh a thawhpuiten an lo dawngsawng.

District Hospital building thar sak mek a ni chu lawmawm a tih thu sawiin, chak zawka hna thawh theih dan a ngaihtuapui tih a sawi a. Mipui mamawhna sang tak Serchhip District Hospital-a doctor indaih lohna awm thin, techni-

cian, nurse leh thawktu dang indaih lohna tih ziaawm theih dan, 3D Dental Clinic tih chang- lun dan bakah damlote mamawh hrang hrang thawktuten an lo thlen chu sawi ho a ni.

Serchhip Hospital sak mek chungchanga Sub Hqrs YMA Serchhip hruiatute nen an inkawm- naah Lalrinpuii chuan, CSR fund chungchanga Power Grid Corporation of India Limited lamin MoU an la ziafk fel thei loa, Mizoram sawrkar chuan a tih tur chin a tifel vek tawh tih a sawi. Power Grid lamah chak taka bawhzui zel a tum tih a sawi bawh.

NESIDS atanga sum hmuh tur pawh hmuh thuai a nih theihnan thuneitute hnenah bawhzui a ni dawn tih a sawi a. State

Integrated Rehabilitation & Care Centre, Mental Health & Disability Care (rualbanlo leh rilru lam buai enkawlna hmun bik) Mizoramah neih ve nise, tia an thlen chungchanga pawh, Aizawl district-ah chauh ni lo, district tina dah tura hma lak a ni tih a sawi.

Health minister hian New Serchhip Bazar Venga Mercy Hospital (Rural Diagnostics & Research Centre) tlawh ngalhin, Hospital ward/ cabin hrang hranga dam- lote a tlawh a; New Ser- chhip khawtlang hruiatute nen inkawmna zuiin, mipui vantlang hriselna kawnga hmalakna tur leh Urban Primary Health Centre leh Sub-Centre tih hmasawn a, mipui tan tangkai lehzuala hman theih dan an sawi ho.



## THLUAK SAWIZAWINA

### AZP CROSSWORD NO. 4033

**PHEI** : 1. ding zum reng/ding ngawi reng, 5. khuh/a chung zar, 8. chenna in (hia thu), 10. chhawr, 13. vavikhata nau pahnih pai/hring, 17. ruangam lem, 19. chhung mu, 21. thu lak tlak loh/thu ho mai mai

**CHHUK** : 2. chakai chi khat, 3. mizo mipain an khim thin, 4. tui li/tui luang chhuak lo, 5. hnarah a awm, 6. Isua kraws chunga intar, 7. mi thil neih tawm, 9. an phuah thin, 11. thlai rah, 12. nupui pasal atana a ruka inhruai, 14. hniak, 15. hrem pumpelh hram nana thil ti, 16. hmelma, 18. mi that vak, 20. a bul no an khawrh thin

**No. 4032 chhanna**

Z I K Z A K H  
A A M E  
Z U N G T U L U N G  
U G L S  
A P H U N T I H A  
P E M T I  
A N K H A P U I E  
B B U S N  
H M E T R I B U N G  
U N A A  
G K H U A N G

### SuDoKu

No. 4035

7	9	8	6		4			
		6	1		4	7		
				9	7			
	9				1		3	
		5		1	6			
4	1						8	
		6	2					
		7	4		1	2		
	4			7	9	8		1

**SuDoKu**  
**Khel dan tur:**  
Number 1 atanga 9 dahkha tur a ni a, number inang, a inzawnnin dah awih a ni lovang, thluak hmanga uluk taka ngaihtuah tur a ni e.

### SuDoKu No. 4034 chhanna

8	3	5	2	9	7	6	1	4
6	1	4	8	5	3	2	9	7
7	2	9	1	4	6	3	8	5
4	7	1	9	2	8	5	3	6
9	6	3	7	1	5	8	4	2
5	8	2	6	3	4	1	7	9
3	4	8	5	7	2	9	6	1
2	9	6	4	8	1	7	5	3
1	5	7	3	6	9	4	2	8

# Chemical fertilizer hman tlem tumin ram pumah inzirtir dawn

India ram puma June thla chhunga kalpui tur 'Khet Bachao Abhiyan' chu Thawhtanni khan Mizoram larsap Gen. Vijay Kumar Singh (Retd) chuan Lok Bhavan, Aizawlah a hawng.

Khet Bachao Abhiyan hi Ministry of Agriculture and Farmers' Welfare kaltlanga lei da zel tur ven kawnga hmalakna a ni a. Hemi hman hian lei tak dan zirchian hmasak hnuah inpawh rual leh him zawk hman ga leitha hman bakah leilung nena inrem taka lo nei chhu ngaih pawimawh a ni.

Chemical fertilizer, abikin urea hman leh hemia inngah nasat tih tlem tum niin, June thla chhung hian agriculture scientist, KVK official leh state aiawhten seminar leh a taka entirna nen an zirtir dawn a. Lo nei dam him leh hrisel zawk a awm theihnan kawng hrang hrang hma lak a ni ang. Hlawk zawka thlai thar tura lei hriselna hriatchian pawimawhna bakah



Prime minister Narendra Modi-a'n National Mission on Natural Farming a tlangzarh takah lo nei dan leh thar chhuah a him zawk theihnan leilung mila lo nei chawilar deuh deuh a tul tih a sawi a. Thlai in an mamawh khawp chaw tha an dawn theihnan lei endik hmasak a pawimawh, tiin, hemi kawng hian agriculture mithiamte chu thahnemngai taka loneitute pui turin a chah.

Prime minister Narendra Modi-a'n National Mission on Natural Farming a tlangzarh takah lo nei dan leh thar chhuah a him zawk theihnan leilung mila lo nei chawilar deuh deuh a tul tih a sawi a. Thlai in an mamawh khawp chaw tha an dawn theihnan lei endik hmasak a pawimawh, tiin, hemi kawng hian agriculture mithiamte chu thahnemngai taka loneitute pui turin a chah.

Prime minister Narendra Modi-a'n National Mission on Natural Farming a tlangzarh takah lo nei dan leh thar chhuah a him zawk theihnan leilung mila lo nei chawilar deuh deuh a tul tih a sawi a. Thlai in an mamawh khawp chaw tha an dawn theihnan lei endik hmasak a pawimawh, tiin, hemi kawng hian agriculture mithiamte chu thahnemngai taka loneitute pui turin a chah.

Prime minister Narendra Modi-a'n National Mission on Natural Farming a tlangzarh takah lo nei dan leh thar chhuah a him zawk theihnan leilung mila lo nei chawilar deuh deuh a tul tih a sawi a. Thlai in an mamawh khawp chaw tha an dawn theihnan lei endik hmasak a pawimawh, tiin, hemi kawng hian agriculture mithiamte chu thahnemngai taka loneitute pui turin a chah.

Prime minister Narendra Modi-a'n National Mission on Natural Farming a tlangzarh takah lo nei dan leh thar chhuah a him zawk theihnan leilung mila lo nei chawilar deuh deuh a tul tih a sawi a. Thlai in an mamawh khawp chaw tha an dawn theihnan lei endik hmasak a pawimawh, tiin, hemi kawng hian agriculture mithiamte chu thahnemngai taka loneitute pui turin a chah.

## Central scheme puanzar dan tur sawiho

Sawrkar laipui media unit hrang hrang leh Mizorama sawrk ar department thenkhat thawhona IMPCC (Inter Media Publicity Coordination Committee) chu Thawhtanni khan an thukhawm.

PIB (Press Information Bureau), All India Radio, Doordarshan Kendra, Department of Information & Public Relations (DIPR) leh state media hrang hrang tha zawka an thawhho dan tur sawi a ni a. Central scheme hrang hrang hlakpuitu (beneficiary) tur ngei beng thlang theia

PIB (Press Information Bureau), All India Radio, Doordarshan Kendra, Department of Information & Public Relations (DIPR) leh state media hrang hrang tha zawka an thawhho dan tur sawi a ni a. Central scheme hrang hrang hlakpuitu (beneficiary) tur ngei beng thlang theia

PIB (Press Information Bureau), All India Radio, Doordarshan Kendra, Department of Information & Public Relations (DIPR) leh state media hrang hrang tha zawka an thawhho dan tur sawi a ni a. Central scheme hrang hrang hlakpuitu (beneficiary) tur ngei beng thlang theia

PIB (Press Information Bureau), All India Radio, Doordarshan Kendra, Department of Information & Public Relations (DIPR) leh state media hrang hrang tha zawka an thawhho dan tur sawi a ni a. Central scheme hrang hrang hlakpuitu (beneficiary) tur ngei beng thlang theia

PIB (Press Information Bureau), All India Radio, Doordarshan Kendra, Department of Information & Public Relations (DIPR) leh state media hrang hrang tha zawka an thawhho dan tur sawi a ni a. Central scheme hrang hrang hlakpuitu (beneficiary) tur ngei beng thlang theia

PIB (Press Information Bureau), All India Radio, Doordarshan Kendra, Department of Information & Public Relations (DIPR) leh state media hrang hrang tha zawka an thawhho dan tur sawi a ni a. Central scheme hrang hrang hlakpuitu (beneficiary) tur ngei beng thlang theia

## ABBREVIATED FORM OF WALK IN INTERVIEW NOTICE

Department of Sericulture, Govt. of Mizoram will deploy two Master Weaver for development of Post Cocoon Technology under Silk Samagra vide CSB letter No. CSB/CSTRI/PMC/Master Reelers/2026-27/Vol-III dt. 19.05.2026.

Interest person fulfilling requisite criteria primarily on Silk Weaving are invited to appear for interview at Directorate of Sericulture, Chaltlang, Aizawl on 04.06.2026 at 11:00 AM without fail.

Details can be obtained from the undersigned during office hours.

Sd/- (LALRINAWMA) Director of Sericulture Mizoram : Aizawl

## STAINLESS STEEL

Stainless Steel hmangin Step Railing, Motor Body chei, Chhuar, Turkverh leh thil dang chi hrang hrang kan siam thei a, pan ngai lovin koh theih reng kan ni bawk.

Ph. 8258948082 LCM STAINLESS STEEL FABRICATION Bawngkawn Lunglei Road



## ABBREVIATED NOTICE INVITING TENDER

NIT No. : 8/CE-BLD/2026-27 of dated 29.05.2026

The Chief Engineer, PWD., Building & Other Departments, Mizoram, on behalf of the Governor of Mizoram, invites Item Rate Bids from appropriate class of approved and eligible contractors/firms for the works mentioned below.

Sl. No.	Name of Work	Estimated cost put to tender	Earnest Money (Bid Security)	Period of Completion
1.	Vertical Extension of Science & Technology for Science Demonstration Hall	Rs. 76,23,277.00	Rs. 1,52,500.00 (For General Category) Rs. 76,300.00 (For Reserved Category)	12 months

Bidding Document will be available at the Office of the Chief Engineer, PWD, Buildings & Other Departments, Tuikhuahtlang, Aizawl, Mizoram, from 29.05.2026 to 08.06.2026 upto 11:00 AM on payment of Rs. 1500/- during office hours on all working days and will be opened on 08.06.2026 at 1:00 PM.

Sd/- Chief Engineer, PWD, Building & Other Departments, Mizoram : Aizawl

## RAWNGBAWL HNA RUAK DIL THEIH

A hnuuia tarlan rawngbawl hna hi Mizoram Presbyterian Kohhran hnuiaia a ruak a. Mizoram Presbyterian Kohhran mi, rawngbawl tura Pathian kohna hria, kum 18-35 inkâr, ni 9.7.2026-a kum 18 pum tawh, kum 35 la pumhlum lo, zuk leh hmuam leh ruhi theih thila fihlim tan dil theih a ni. Dilna Form leh Tualchhung Kohhran Confidential Report Form hi Synod Service Board Office, Aizawl leh Synod Office, Lunglei atangin ni 2.6.2026 (Thawhlelni) atangin lak theih a ni ang. Dilna hi Synod Service Board Office, Aizawl-ah theih tur a ni a, dilna form man `20/- a ni. Dilna form-ah hriat tur pawimawh tarlan a ni ang.

SYNOD HIGHER SECONDARY SCHOOL-A THAWK TUR  
Hna hming : Laboratory Bearer (Contract), Post 1  
Thiamna : HSLC of any recognised board.  
Hlawh : Synod hnuiaia Laboratory Bearer (contract) hlawh

Dil theih hun chhung : Ni 29.6.2026 (Thawhtanni) dar 3 p.m. thlang  
Written test hun : Ni 3.7.2026 (Zirtawpni) Dar 10:30 a.m.  
Interview hun : Ni 9.7.2026 (Ningani) Dar 10:30 a.m.

Sd/- (REV. V.L. LUAIA HRANLEH) Secretary Synod Service Board



NO. A. 45013/1/2025-DTE(AH&V)/Ext GOVERNMENT OF MIZORAM DIRECTORATE OF ANIMAL HUSBANDRY AND VETERINARY MIZORAM : AIZAWL

Dated Aizawl, the 18<sup>th</sup> May, 2026

## ADVERTISEMENT

Kum 2026-2028 Academic Session a Elementary Course in Animal Husbandry and Veterinary Science, Class-XII (HSSLC) pass chin, zir duhte tan mahni awmna District A.H. & Vety Officer Office ah dilna Form Rs. 50/- chawiin lakchhuah theih a ni. Dilna Form hi 12<sup>th</sup> June, 2026 thlang mahni Form lakchhuahnaah theih theih a ni ang.

Sd/- (Dr. LALROTLUANGA SAILO) Director A.H. & Veterinary Department Mizoram : Aizawl

## HRIATTIRNA

Guwahati a Mizo (Hmar) Society, FRONTUS (Frontier Tribes Upliftment Society) hmalaknain Guwahati khawpui, Garoghuli Road, Guwahati-35 hmunah FLAT sak mek a ni a, a hming tur pawh "Imperial Regalia" tih a ni. School (DPS, Royal Global, Kaziranga etc), Hospital leh Engineering College tha tak tak awmna hmun a ni a, Inter State Bus Terminal (ISBT) atanga 3 km leka hla a ni baw. Mizo (Hmar) chhungkua 25 in Booking an ti tawh a ni. Mamawh leh duh te tan a hnuiaia mi te hi biakpawh theih reng an ni e.

- Pu L. B. Sinate** Chairman, FRONTUS Mob: 9864040915
- Dr Chawngrolien Chonzik** Fin Secretary, FRONTUS Mob: 7099062294
- Dr Rebecca Sinate** Secretary, FRONTUS Mob: 9435199130



## AGENCY SHOW ROOM ETC TUR DUH TAN

Sumdawng tak tak duh tan Aizawl chhimlam, World Bank road an ah building - floor li (4), parking tha tak awm luah duh tan a awm e. Luah man chu inbiakremna a ni ang.

Contact : 9862590202 7005449262

### Manipur-ah Kuki helin mi lambun leh niin Naga-ten sawi

Manipur-a Kangpokpi district-ah Kuki National Front (P) helho silai hmech puakah mi pakhatin hliam a tuar niin thil thlenna khua, Kongsakul-a thuneitute chuan an sawi.

Kongsakul hi a hmaa helhovin Naga 18 an man tawhna khua tho a ni tih thuneitute chuan an sawi a, an zinga mi paruk chin an la hre lo.

Kongsakul Village Authority chuan thuchhuah siamin pawikhawihna hi Pathianni chawhna dar 10.30 vela thleng niin mi sualte hian Kongsakul Naga khaw tui lakna an tichhia niin an sawi a. Siam tha tura kal khaw mi thenkhat chu beih an nih thu a tar lang baw.

Kongsakul Village Authority chuan Leilon Vaiphei khuaa ralthuam kengte leh KNF(P) ten an bei niin an sawi a, an khaw mi pakhat, Kachiaklung Chawng tui hriatin hliam na tak a tuar tih an sawi.

Thuneitu chuan pawikhawihna hi 'nunrawnthlak leh mihring tih phung lo' tiin an sawi a, khuaa chengte zingah hlauhna, him lohna leh lungngaihna a siam niin an sawi a. He thil thleng hian Naga 18 ruk

bo an nih hnaa an tawrhna a tizual niin an sawi baw.

Kongsakul Village Authority chuan sorkar chu mipuite himna tur, service pawimawhte siam tha thil thleng chu chhui chian leh mawhpurtute chu rorelna hmaa hrui tura 'rang taka thutlukna siama hma la turin' an ngen a ni.

Khaw thuneitu chuan mipui huap pawl, mawphurhna nei dang leh mihring dikna chanvo humhalthu pawl te chu thil awm dan hre chianga Kongsakul mite nunna, dikna leh zahawmna humhalh kawngah tanpuina pe turin an ngen baw.

Kongsakul Naga khuaa hian tun hmai kar eng emaw zat chung hkan buaina a chhuak nasa hle a, inruk bo pawh a thleng a, henge hian khaw mite a ngawng nasa hle.

KNF-P tiha 'P' hi 'President' tiha a ni a; KNF-P chu KNF bulpui a nihzia thlan nana hman a ni. KNF hi kum 1987-a din a ni a, kum 1994 khan pawl hnihah an inthen a, KNF-MC SK Kipgen kaihrui leh a ziding, ST Thangboi Kipgen kaihrui KNF-P a ni ta a ni.

KNF hi Kuki hel pawl



tam tak leh state leh sorkar laipuiin suspension of operation (SoO) inremna sawisel hlawh tak chu ziaktu zingah an tel a. He inremna hnuai hian helho hi an camp-ah an awm tur a ni a, an ralthuamte chu kalh hnanin vilna hnuai hian dah tur a ni.

Pathianni thil thleng hi Kuki helhovin national highway-a mi lambuna West Bengal atanga Food Corporation of India (FCI) truck khalthu a thihna a thlen hnuah a ni a. Manipur Police chuan thuchhuah siamin 'Kuki ralthuam keng, kawngpui dunga tanhmaw late' tih a nih thu an sawi.

Kum 1993 leh 1998 inkar khan Kuki-Naga buaina nasa tak chhuakin mi 750 vel an thi a, April, 2025-a parliament-a sorkar-

in a chhinchhia hna pharhah chuan a hnu kum sawm chung pawhin pawikhawihna a thleng zauh reng tih tar lan a ni.

Manipur-a Meitei vantlang pawl liante inzawm khawmna, pawl chak tak, Meitei Alliance chuan thuchhuah siamin, "Hetiang-aga inbeihna hi tumruh taka tih a ni a, mipui himna ngaihthah vek a nihzia a tilang," an ti.

Meitei Alliance hian Pathianni khaw thuchhuah siamin, "... Thil pawimawh tak tak phur civil transport lirthete tum saa beih a nih bakah mipui himna vawnhim tura tih venhim hna thawktute beih a nih bakah mipui mihringte tana thil pawimawh leh dan hmanga rorelna bawchhahatna nasa tak a ni," a ti.

### Bengal-ah minister 35 la lutin Adhikari-a cabinet tilian

West Bengal-a Suvendu Adhikari-a kaihrui cabinet chu thleh niin Swapan Dasgupta, Tapas Roy leh Shankar Ghosh te telin BJP MLA 35 chu minister atan rinawmna thu tiam lak lu an ni.

Governor RN Ravi-a'n Lok Bhavan-a inkhawm buatsaihah legislator-te hi thu a tiamtir a ni.

Kum 55 mi, Adhikari-a hi member 294 awmna assembly-ah BJP-in seat 208 an lak hnuah May 9 khan chief minister atana lak lu a ni a, he state-a BJP sorkar hmasa ber a ni a. Mamata Banerjee-i kaihrui Trinamool Congress (TMC)-in kum 15 chlung rorelna a chan chu a titawp

Adhikari-a bakah hian BJP legislator Dilip Ghosh, Agnimitra Paul, Nisith Pramanik, Ashok Kirtania leh



Kshudiram Tudu te pawhin hemi ni hian minister atan lak lu an ni.

Kar hmasaa Adhikari-a leh state BJP hotu, Samik Bhattacharya-a ten New Delhi-ah an party hruaitute an kawm hnuah tun kara council of minister-a member lakluh belh hi rin sa a ni.

Legislator 35-te hi council of minister-a dah a nih hnuah tunah chuan cabinet-ah mi 41 an awm ta a, member 294 awmna assem-

bly-a sorkarin minister a nei theih zat aiin pathumin a la tlem.

Adhikari-a sorkarah hian BJP legislator Swapan Dasgupta, Dudh Kumar Mondal, Deepak Burman, Manoj Oraon, Gouri Shankar Ghosh, Arjun Singh, Tapas Roy, Saradwat Mukherjee, Jagannath Chattopadhyay leh Shankar Ghosh te chu cabinet minister atan rinawmna thu an tiam an ni.

Rajesh Mahata, Indranil Khan leh Malati Rava Roy te chuan MoS (independent charge) atan rinawmna thu tiam an la a. BJP MLA- Santanu Pramanik, Purnima Chakraborty, Umesh Rai, Joyel Murmu, Ashok Dinda, Anandamoy Burman, Kaushik Chowdhury, Gargi Das Ghosh, Bhaskar Bhattacharya, Dibakar Gharami leh Sumana Sarkar te chu minister of state an ni ang.

### NSA Doval-a leh Myanmar president inkawm

National Security Adviser Ajit Doval chuan New Delhi-ah Myanmar President Min Aung Hlaing a kawm a. Tun hi April thlaa Myanmar hruaituin a hna a chelh hnuah India a tlawhna hmasa ber a ni.

December leh January thlaa khan Myanmar-ah hian parliament inthlangin Min Aung Hlaing-a hi president a ni zui a, thla hnih pawh a tlin hmain a thenawm ram hi a tlawh a. Inthlanga hi February, 2021-a sipaiten Aung San Suu Kyi-i kaihrui mipui sorkar an paih thlak avanga politic-a buaina nasa tak a chhuah hnuah neih a ni.

Myanmar hi India thenawm ram pawimawh zinga mi a ni reng a, hmarchhak state eng emaw zat nen ramri km 1,640-a thui an intawm a, Nagaland, Mizoram leh Manipur te pawh an tel a. Prime Minister Narendra Modi-a nen Min Aung Hlaing-a hi Thawhtanni khan thil hrang hrang sawiin an inbe zui

baw. External affairs ministry thupungtu, Randhir Jaiswal-a chuan Myanmar hruaituin India a tlawh chhunga sawiho turah hian ramri venhimna, inbiak-pawhna leh ipawh tawmna te chu ngaih pawimawh a nih dawn thu a sawi.

Hemi hma hian External Affairs Minister S Jaishankar-a chuan Myanmar president hi a kawm baw a, ram pahnihte thawhdunna kawng pawimawh tak tak, ipawhna leh sum-dawnte a sawipui.

New Delhi-in Neighborhood First policy a kalpui hnuai Myanmar nena inzawmna tihchak leh venhimna, infrastructure leh chhehvel ramte nena inzawm lama thawhhona tihchak a tumna kawngah president-in tlawh hi thil pawimawh tak a ni.

International Security Forum hmasa ber leh kar liam taa Moscow-a High Representatives for Security Matters Meeting



vavi 14-nana Doval-a hian Myanmar National Security Adviser Tin Aung San a kalpui hnuai Myanmar nena inzawmna tihchak leh venhimna, infrastructure leh chhehvel ramte nena inzawm lama thawhhona tihchak a tumna kawngah president-in tlawh hi thil pawimawh tak a ni.

International Security Forum hmasa ber leh kar liam taa Moscow-a High Representatives for Security Matters Meeting

ngaih a ni a. Ramri enkawlna, inkalpawhna leh chhehvel himna a ngai pawimawh hle tih a tilang bawka ngaih a ni.

Myanmar NSA hian July thla hian India a tlawh dawn bawka a, Bay of Bengal Initiative for Multi-Sectoral Technical & Economic Cooperation (BIMSTEC)-a National Security Advisers meeting vavi 5-naah a tel dawn a, hei hian ram pahnihte tan thawhhona thuk zawka kalpui theihna hun remchang dang a siamsak leh dawn a ni.

### Karnataka minister tur insiam rem mek

Karnataka-a rorelna fawng chelhtu thlak a nih hnuah minister tur siam rem mek a ni a, DK Shivakumar-a cabinet-a hmum chang tura beisei zingah chief minister hlui ni ta, Siddaramaiah fapa pawh a tel.

Legislative Council Member, Yathindra Siddaramaiah chuan party hotu lawkten minister an nihir ve dawn tih an tichiing tih a sawi a. "Ni ve duh ka ni a. Party hotuten Karnataka cabinet-ah minister chanvo min tiam a, beiseina ka nei. KPCC-a nihna chungchang erawh ka hre lo va. hotuten eng thutlukna nge a siam ka

la hre lo," a ti.

Congress MLA dang, Basavaraj Shivannavar-a pawhin minister nih a duh tur sawiin kum thum kalta atang khan he dinhmum chelch dan hi a lo dap tawh tih a sawi.

"Min hruaitute chu Siddaramaiah leh Shivakumar te an ni a. Siddaramaiah khan min duhsak a, Shivakumar-a'n party-ah min hrui lut a. North Karnataka bial atanga kan khawtlang mipuiten minister dinhmum pek kan phut a. A thawh khatnaah chuan kan beisei lo va, a thawh hnihnaah erawh kan hmuh theih kan

beisei," a ti.

Kar hmasa khan Congress-in Karnataka-a thuneihna thlak danglam a remtih hnuah Shivakumar chu Nilaini hian chief minister atan lak lu a ni dawn a, hun rei tak hruaitute inkara buaina awm tawh chu a titawp.

Chief minister tura tih a nih a nih veleh Shivakumar-a hian Congress worker inthunon tha tak, chanvo sang ber chelch tur a nih thu a sawi.

"Kum 1980 chho atang khan Congress tan hna ka thawh a, college ka kal laia zirlai hruaitu ka nih

lai atangan a ni a. Mipuite pawh Congress worker pakhat chief minister a ni tur hi an lawm hle a ni," a ti.

Congress hian Shivakumar-a thuihrui nia an minister atan lak lu tur chu tute nge tih an la puang lo.

Thu dawn danin Congress chuan deputy chief minister pahnihtan atanga pathum vel a nei mai thei tih sawi a awm a. Party hruaitute chuan thuneihna insem dan tur ruahmanna an enfi-ah mek tih hriat a ni a, hei hian deputy chief minister atan Dalit hruaitu leh hnam tlem zawk hruaitu pakhat a nih theih rin a ni.

## RAM PAWN

### Kar tawpah US leh Iran an inkap thar leh

US chuan kar tawp khan Iranian sipai hmunte a kap tih a sawi a, Tehran pawhin a chhan let nan American awmhmum an bei ve tih a sawi a, hei hi Strait of Hormuz chehvela kar khat chhunga inkahna a thlen vavi thumna a ni.

US Central Command (Centcom) chuan Iran-in (US drone a kah thlak telin hma an lakna chhan letna atan 'mahni inven nan' an bei tih a sawi.

Iran-a Islamic Revolutionary Guard Corps (IRGC) chuan US sipaiten Iran chhim lama an ram beih nana an hman air base chu an bei th tih an sawi a, khawii laia mi tak nge tih erawh an sawi lo.

Hetihlai hian US base awmna, Kuwait chuan Thawhtanni zing hma takah khan an air defence system-in 'hmelma missile leh drone hmanga beihna a hmachhawm mek' tih a sawi ve a, a kimchang erawh a sawi.

Kar tawp khan thla tam tak chung indon-ia titawp tura inremna siam tumna inbiakna a kal chhunzawm leh a, US chanchinbute chuan President Trump-a'n inremna tur chu tihdanglam a duh niin an tar lang.

Thlak a duh lai hi Strait of Hormuz lawng kalna kawng leh uranium tihchak sa pahna tur kaihnawih a nih tur CBS News chuan a tar lang a. White House chuan engmah a la sawi lo thung.

Iran tana palai lawk ber chuan Pathianni khan a taka Iran dikna chanvo humhim a nih loh chuan Tehran-in inremna engmah a remti dawn lo tih a sawi.

Trump-a chuan Thawhtanni tuk khan a Truth Social platform-ah Iran-in 'inremna siam a duh tak zet a, USA tan chuan inremna tha tak a ni ang' tih a tar lang a. A sawiselute chu 'thu la, chawlh hadam rawh, a tawpah chuan a hlawhtling vek ang' a ti baw.

US sipaite chuan Irinni leh Pathianni khan 'Iran radar leh Goruk, Iran leh Qeshm Island-a drone command leh control site-ah mahni invenna beihpui thlakna' an nei tih an sawi.

X-a post a siamah Centcom chuan US indo thlawhnate chuan Irani-an sipaite air defence, ground control station leh drone pahnihtan an kap tih a sawi a, hei hi 'an chhehvel tuipui kalhlanga lawngte tan hlauhawmna chiang tak a ni' an ti a. He chetnaah hian American sipai pakhat mah hliam an awm lo niin an sawi.

IRGC chuan Iran chhim lam tuipui atanga km 65 vela hla Gulf-a Sirri Island-a an communications tower beih nana US-in a hman thin airbase an bei th tih a sawi ve baw.

Iranian sipaite chuan US beihna hi 'tihnavn' a nih chuan an chhanna chu a danglam tawh dawn tih an sawi bawka, hei hi

Iran-a Fars news agency-in IRGC sawi dan a tar lang a ni.

Kuwaiti sipaite chuan Thawhtanni khan 'hmelma missile leh drone hmanga beihna' an hmachhawm thu an sawi a; mahse, khawiah nge an lo dan tih erawh an sawi chiang lo.

Tehran hian kar hmasa khan Kuwait-a air base chu a bei tawh a, hei hi a hmaa US thlawhnaten an beihna chhan letna atana tih a ni a. American sipaite hian Iranian lawng leh missile kah chhuahnten lawng kalh velnaa chil puah an an dah lohna tura tih a nih thu a sawi.

April 8 atanga inkahhai a nih laiin Trump-a hian US leh Iran chu inremna nghet an siam hnahtawh thu leh inbiakna pawh a kal zel thu a lo sawi fo tawh a; mahse, tun thlengin inremna mumal tak siam a la ni lo.

Trump-a leh a thawhpui lawkte chu Zirtawpni khan inkahhai kalpui dan tur ruamang chungchangan an inkawm a; mahse, a hnuah president-in a thu tihdanglam a dil th sawi chhuah a nih hmain engmah tichiing lovin an tin darh tih sawi a ni.

Thuthlung hnuhung ber zingah hian ni 60 chung tharum thawhna tihawp te, Strait of Hormuz hawn leh tura ngen- na leh Iran-in nuclear program a nei chungechanga indawr zui pawh a tel tih CBS News-in a tar lang.

### Myanmar-a helho thunun hmuna thil puakah mi 46 thi

Myanmar-a helho thununna hnuai awm khaw pakhat thil na tak puakin mi 46 an thi a, mi tam takin hliam an tuar baw.

China ramri bul, Shan State-a Namkham Township chhung, Kaung Tat-a thil puakah hian naupang paruk leh kum khat mi pawh an thi tel niin thil hre chiangte chuan an sawi.

Kaung Tat-ah hian chenna in 200 vel chhiain a bul, Pan Lone khuaah 100 vel a chhe baw.

Pathianni a puak hnu hian khua chungah meikhu chhak leh a chhuak chu hmuh tur a awm.

He hmum thununtu leh sipai sorkar dotu, Ta'ang National Liberation Army (TNLA) chuan thil laih chhuahna leh lung lakna hman hman thin puak theite chu a awm tawh lo niin an sawi.

News agency AFP-in TNLA thuchhuah a tar lan

dan chuan 'thil puak palh' hi Pathianni chhun dar 12:00 vela thleng a ni.

"Puak avang hian tual chhung khaw mi tam takin nunna an chan a, hliam an tuar a, an chenna in a chhiat phah baw," tiin an sawi a, a kimchang erawh an sawi lo.

Thlalak leh video darhah chuan lei kuar dek duk leh building che tawhte a lang a, thil thlasawp hnawh tak leh hnawm atangin kang khu hluah hluah a chhuak reng baw.

Mi chengte chuan thil puah hnuah chhiatna thil buaina thlengte an sawi a. Pakhat chuan social media-ah a tirah chuan mi tam takin van sang atanga kah vang niin an ngai tih a tar lang.

Thi zingah hian naupang an tel a, in za tam tak a chhia a, veng pum deuthawh a ngawng niin a tar lang.



"Ka phone-in vawin hian ka nun a chhanhim a ni," tiin pakhat chuan a tar lang a. "Ka mut pindanah noodles ei chungin ka thu a, ka phone ka en a. Chokaah ei ni ila chuan vawin hian ka dam bik lo mai thei," a ti.

Mi pakhat chuan a keah hliam tenau a tuar a, an chenna in erawh a chhiat thu sawiin, "Mi an tap a, an

nu leh pate an ko va," tiin a tar lang a. "Khawvel hi a tawp tawh ni maiin ka hria," a ti.

Engvanga puak thei thil awmna hmum chu chenna hmum hnaih taka awm phal a nih chhan a zawt a, thuneituten sawi fiahna an pek loh chuan thi chhunge chu an lungawi dawn lo tih a sawi baw.

TNLA hi Myanmar-a

sipai sorkar dodaltu hnam bil ralthuam keng pawl chak ber pawl an ni.

Ram chhunga hel pawl tam tak chu an hmalakna an sum mamawh hi leilung hausakna hlu tak tak laih chhuaha inngat an ni a, himna dan mumal lo tak karah thil laih chhuahna khur chim leh chhiatna dange a thleng fo niin AFP chuan a tar lang.

### Netanyahu-a'n Lebanon thuk zawk lut turin a sipaite a ti

Israeli Prime Minister Benjamin Netanyahu-a chuan Iranian-te thlawp, Hezbollah firfiak pawl nena an inbeihnaah Lebanon ram chhungah a sipaite chu lut thuk zel turin a hriattir thil Pathianni khan a sawi a, indonaah hian chawhlar ruk chhang kalta khan inkahhai puan a lo ni tawh thung.

Lebanon-a indona hi Iran indonain a ngawng chhuahah chuan a nasat ber a ni tawh a, March 2-a Hezbollah-in an thawhpui, Iran thlawp nana Israel-a rocket leh drone a kap tan atang khan Israel-in beihpui a thlakna leh insawn chhuak tura mi chengte a pek hmangin Lebanese maktad-

uoi 1.2 chuang hmum himah an tlanche tawh.

Lebanese sorkarin a tar lan dan chuan tun thlengin mi 3,370 chuang an thil tawh a. Israel chuan he hun chunghek hian an sipai 24 leh civil mi pali an thi tawh tih a sawi ve bawka a. Hezbollah-in rocket leh drone hmanga an ram hmar lama an bei avangin Israeli sang tam tak hmum dangah an insawn tawh baw.

Thil thleng tar berah hian Israeli sipaite hian kum 900 zeta upa, Beaufort Castle leh Lebanon chhim lama tlangdung pawimawh tak an la a. Hei hi April thlaa inkahhai puan a nih hnuah Hezbollah-ten Israel hmar

lam hawia ralthuam an chelek nasat ber ni, sikul leh veivah pawh kuaahkirih a ngaih pahna ni a thlen tukah a ni tih sipaite chuan an sawi.

Netanyahu-a chuan thuchhuah siamin, "Lebanon-a leia hmalakna tihzau turin (sipaite) chu ka hriattir a ni," a ti.

Lebanon-a tharum thawhna nasa tak thleng mek chu tar langin France chuan United Nations Security Council chu Thawhtanni khan thutkhawm hmanhmawh neihpui turin a ngen niin an foreign ministry chuan thuchhuah siamin a tar lang.

April thla laihawl vela

inkahhai a nih hnuah pawh Israeli sipaite leh Hezbollah hi an inkah chhunzawm zel a. Hezbollah hian kamikaze drone man tlawm, rem khawm awl tak, air defence tana kah thlak harsa tak hmangin Lebanon chhim lamah Israeli sipai eng emaw zat an that baw.

Israeli sipaite hian Lebanon-a Litani lui thlengin ram an thunun tawh a, hmar lam km 10 vela hla, Zaharani luiah an nawr mek baw.

Netanyahu-a chuan a tum chu 'Hezbollah thununna hnuai awm hmunnah thuk zawk leh zau zawka lu' a nih thu a sawi.

Naftali Bennett pawhin Lebanon-ah na zawka hmalak a tum thu a sawi a, Beirut dai thlenga beih a tum thu a sawi.

Sipaite chuan Pathianni khan Zaharani chhim lama chengte chu hmum hima insawn chhuak turin thu an pe a. Irinni zan khan thlawhna hmangin chhim lamlama Deir El Zaharani khua an beihnaah mi pariat an thi niin Lebanon sorkar news agency chuan a sawi baw.

Pathianni nileng khan Israeli sipaite hi che zuiin Lebanon chhim lamah vavi 40 chuang beihpui an thlak niin Lebanes thuneitute leh sorkar chuan a puang baw.

# RELATIONSHIP – PART II THEM

## (Nature Lover Rokunga, Mizo Century Poet)

F. Lalremsiama  
Chaltlang  
8415994340

● Inpuang hmasa leh phawng mai ila. Zingkar Bournvita in laiin ka zai mai mai a, ka chinthan pangngai. “Aw Khawvel puan ang a chul tur hi” tih hla sain. Ka tui chawp zel a. Chang li leh a thunawn chu ka sa zo ta vek mai a. Thunawn sa nawn chhuak zelin, ka lo hrereng tha tlat a; mahse, nuam ti taka sain ngaihtuah chian loin ka lo sa liam mai mai thinte kha ka ui hnuhnawh a. Ti hian ka han chhamchhuak leh ta mai a ni. Part II them, a tlang lian lam niin ka ngai.

● Siamtu Pathianin, Mizo Century Poet, Rokunga min pe hi a va lawmawm em! Part-I ah khan Pathian, Mihring-te leh thilsiam-te Relationship, a tlangpui tawi tein kan sawi a. Part-II ah hian, Mihringte Relationship thlurbing ka lo rilruk zet naa tukin zingkar ka Hla sak hian min tur ut leh ta pek a, ka tuar zo lo a ni. Tu dangmah tihbuai ka tum lo.

● Pu Rokungan thilpek ropui, Pathian hnen atanga a dawn min sem nghal i ti lehngal ang. “**Sem Sem dam dam Zonunmawi**” a mawi leh ta.

● Khawvel = Nature, a zavaia lawmtu leh Hmangaihtu Rokunga hmela lang Hmeltha! A hmangaih Khawvel thatzia, nawmzia a sawichuahna t

awngkam hlei hlei hi a mawi zual. A Hla pumpui, chang 4 leh Thunawn-ah hian paih leh belh ngai a awm mawlh lo (Trevelyan English ang mai). A fiah, a kim thlap. A Hla phuah taksa (embodiment) Rokunga a ni hul-hual! Mi va han run fakau em ve aw!!

● A thu remkhawm dante hi a sangin a fuh zozai=Classic. Chhiar nawn la, ngaihtuah nawn teh.

### ● LEI MAWINA

● Aw khawvel puan ang a chul tur hi, Tinkim dawnin han thlir ila; Aw hring nun par anga chul tur hi, Hma te'n zamual a liam tur chu.

Aw lei mawina thlnai tihlimtu,

Zantiang chhawrthla leh si-ar eng mawi;

Aw zing engmawi leh tlaitla eng mawi,

Damlai khuavel nun khua tinuam an lo vul rawh.

● Tlang sang thing zar mawi leh phai zawla, Suang lungpui leh luipui luang ri; Van rang chhum leh thlirim leng velin, Khawvel mawi hi hla mawi an pe.

● Khua thal lenkawm ni chhuak eng ri riai, Tuahpui par leh vau phunchawng par;

Chungtiang len thiam kawm-ngo thla khawng ri, Lei rawngbawl kum siam an lo ni.

● I mawi mange piallei kan chenna, Rianglei tan par ang vul ve la; Tah lai ni kawlung ah liam zelin, Hlim lai ni par ang vul rawh se.

● Khawvel hmangaihtu Rokunga'n a dam chhan ber a hre lo lul lo e. A hlaphuah hnuhnung ber nia sawi, Thu tawpna hi mawi ka ti tawpthag. En teh maw. KHB 163.

**Ka thla chau a chawl ta, I thisen luangah chuan; A ropui dawn mang e, I chhandamna hmun ralmuanga, Ka chawl kumkhua tur chu.**

Chiang ka tih ve chhan ber chu, thunawn ennawn hian a chiang.

**I zahngaihna ringin, I angchhung ka rawn zawng; I khawngaih ban vuan in, I ngaihdamna ka dil a che, Lalpa mi ngaidam rawh.**

A dilna tawngkam thumal tawngchhante ka en hian, Lal Isua dinglama misual khenbeh ka mithla-ah a lo lang a. Chawpchilh Ngaihdamna chu ka hmufiah!!

Pu Rokunga muangin chawl rawh se.

Tlangvâlte ropuina chu an chakna a ni a, Putarte mawina chu an lû ùak a ni.

## THE AIZAWL POST

Editorial... Mizo Daily Newspaper

### Sawrkar leh Association

Tun hnaia sawrkarin June ni 1, 2026 atanga mizotaxi app hman dan tur a puanzar chungchangah, a kaihnnawih pawl pathum heng— Mizoram Taxi Association, Aizawl Two Wheeler Taxi Association leh Aizawl District Auto Rickshaw Owners Association te chuan OB join meeting an nei a, chuta an thuchhuak chu: *Mizotaxi App hman rih loh; a rang thei ang bera Mizotaxi online application sut tura thuneitute dawr; thuleh awm hma chuan member-ten he application hi download loh tur; in register loh tur*, tihte a ni. OB join meeting thuchhuak hi social media lamah a darh a. Wawiin lam hian heng pawl pathum hruaitute hian transport minister hmuh an tum a, an duh dante leh ngaih dante an thlen dawn a ni awm e.

Sawrkar remtihnaa pawl din an nih chuan, thuneitute hnena pawl duh dan leh ngaih dante thlen chu an right a ni ngei mai a, mahse an thu-ro-lum dan han en hian, sawrkar atanga permit nei a, permit-in a chhawm tel dan hrang hrangte zawm chung a mipui service hmanga eizawng an nihna lam hi an zuk hmu thuk lutuk lo em ni aw a tih theih awm e.

Sawrkarin mizotaxi online app a siam a, chu chu *'hman tur a ni'* tiin thupek a chhuah a, mahse, a hmangtu tur ber (stakeholder) ten an hmang duh tlat lo. Sawrkar ruahmanna chu sut leh turin sawrkar an ngen dawn. Dan hman ngei ngei tur chu 'download' lo turin member-te an inhrilh; registration tih ngei ngei ngai pawh ti lo turin member-te an inhrilh. Pawl an nihna hmachhuanin sawrkar ruahmanna hi an dodal nghal ringawt mai

tihna a ni awm e.

Sawrkarin taxi rate a siam a, chu pawh chu hmang duh lovin taxi service tam zawk hi chuan, anmahni rate insiamchawp an hmang a. Chumi awmzia chu, sawrkar dan bawhchhian lang thei rengin ni tin mipui an rawk a, chu chu mipuiin kan en liam mai mai a, kan tuar liam mai mai tihna a ni.

4wheeler taxi te hian Chanmari atanga treasury square thlang hian taxi fare Rs 150 te an la thin. Sawrkar aproved rate ang chuan Km khatah Rs 55, a hnu lam km khat zelah Rs 45 lak tur a ni. Chanmari leh Treasury square hi Km 1.5 vela ngaih a ni a, sawrkar rate ang chuan Taxi fare chu 55+23=78 tur a ni. Tuna an rate ang hi chuan sawrkar rate bakah Rs 72 chu mipui an chuhhsak ziah tihna a nih chu.

Hei hi sawrkar chuan dik takin kalpui ni tawh rawh se tiin ruahmanna fel tak a siam thar a, chu chu taxi khalhtute chuan an duh lo tihna a ni. 'Sawrkar rate chu lo awm mai mai se, keimahni rate siam hi kan hmang duh zawk' an tihna a ni ber awm e.

Sawrkar atanga permit neia eizawngtu pawl te hian permit an lakchhuah ruala sawrkar dan zawm tura an intiammate hre rengin leh, an eizawna hi mipui rawngbawlna a ni tih hre tel chung a thawh a pawimawh a. Chutiang bawkin, sawrkar pawh pawl ngaihdante leh an thu thlente lo dawnsawna lo ngaihtlak chu a tihtur a ni. Chutih rualin, Pawl hi sawrkar dodalna hmanrua atana din ni lovin, pawl chhunga member-te welfare atana pawl hi ding a ni tih hi pawl hruaitute pawh kan hriat thar leh hi a pawimawh awm e.

# MIZOTAXI: DIK TAKA THIL TIH DUHLOTUTE CHU TUTE MAW?

K. Hmingthankaia

Kan ramah hian a hman nazawngin pawl an din fo chhan hi engdang vang ni lovin, mipui hmangaihna leh ram hmasawna tur tak tak lam emaw, mipui hmasawna tura t anrualna tur lam ain, anmahni hmasawna leh an hlawk theih dan tur ringawt ngaihtuah tura an tanrual theih nante, an hlawkna tur atana sawrkar nawr nan leh mipui thunun theih nana intih ropui leh intihhlauhawm der chawp vel nana pawl din hi a tam zawk an nih hmela thin khawp mai.

Sawrkarin engemaw thil tih dan tur danglam deuh, ram leh mipui, khua leh veng tana tha zawk tur leh hmasawna, changkanna leh awlsamna tur nia a hriat a duanchhuah reng reng kha a dik a dawm pawh thlu lova lo dodal ve ringawt nghal zel kha tunhma atang tawha opposition party tinte tihdan tur emaw, lo dodal tur leh buaina siam tura eng pawl emaw lo fuihpawrh kha opposition apiang khan an tih tur ni tlatin an hre thin a ni. Chutiang tur chuan phur tak leh taima tak, fin kherek tinreng nen an che thin a ni. Chutiang thil tih chu tun sawrkarah pawh a bang chuang lova, a nasa zawk hle niin pawhin a lang.

Hei, tunah pawh ram leh mipui hmasawna tur dik tak, ram changkang leh mi changkang, khawpui changkang kan nih ve zelna tura ruahmanna, Mizotaxi apps chu Aizawla mipui phur chi lirthei chi thum, 4wheeler taxi, 2wheeler taxi leh 3wheeler autorikshaw-ten June 2026 chhungin an hmang vek tur tih Sawrkar thupek chu zak map lova lo dodal tum an han awm leh nghal pang ringawt leh tawh hi. He thil lo dodal tumtute hi sawi vak ngaihna pawh ka hre lo, an zaktheilo hi ka ti lutuk a ni. Sawrkar an zah loh chu thuhra nise,

mipui min zah miah lo leh ram leh mipui mitmei an veng miah lo hi an mawl hle bawm niin ka hria.

Hetianga hmasawna leh changkanna, dik taka thil tih dan tur Sawrkarin tih a tum an lo duh loh chhan hi ngaihtuah thui buai pawh ngailo, anmahni pawhin thil dik taka tih aia dik vak lova tih hian an hlawk zawk tih an hriat avanga engemaw tia sawrkar vau zam theih mai an inbeisei vang leh, mipui tute emaw support-na hmuh mial an beisei vang mai mai tih hi hairual a ni lo.

Khawi ramah pawh awm ila, sawrkar awmna hnuai a awm kan nih phawt chuan sawrkar thu chu kan zawm mai tur a ni. Chu chu khualleh-tui tha awmdan tur dik tak chu a ni mai. Sawrkar hnuai a thil tih phalna engpawh, intiamkamna neia phalna, permit pek kan nih pheichuan sawrkarin tih tur a tih anga tih leh, Sawrkar thu awih mai chu kan bat liau liau a ni.

Sawrkar thil tih apianga lo inrawlh ve tum phette, lo sawi ve phet tumte, lo sawisel phet leh lo dodal phet tum ve zelte hi changkanna a ni lo. Mahni mimal emaw, mahni party emaw, mahni pawl emaw tihhniamna mai mai, mi min hmuh hniamna mai mai a ni duh thin. Chuvangin, tute pawhin kan vaia tana tha tur thilah hi chuan lungrual taka thuawih taka awm i zir zel ang u.

Kan veteran politician Pu AV Pakung'a'n, "Pawl thil tih anga lang si, mahse, mi zawng zawng tana tha si lo hi chu han chhui han chhui ila, chu pawl zingate tute emaw mi rilru hrisel vak lo mimal atanga lo chhuak a ni deuh zel" a lo tih angin, tuna taxi pawl hovin Sawrkar thil tih dodal an tum pawh hi an member zawng zawng chuan

an thlawp kher a rinawm loh a ni. An zingah mi rilru hrisel tak tak leh rilru changkang tak tak engemawzat an awm ve ngei awm si a. Mahse, pawl anga thil tih hi chu a zawm ve lotu nih kha nuam lo turin kha pawl kha intihlauhawm velna tura din kha a ni thin si a. Amaherawhchu, tunlaiah chuan mi kan changkang tawh a, hmanlai anga mahni pawl thil tih zawng zawng, midang tana tha lo tur lam thlenga zawm ve duh lo ngam an awm ta niin a lang. Tin, anmahni lam kaihnnawih deuh pawh nise, pawl nazawnga tel kher duh lo ngam an awm ta bawk.

Tin, Sawrkar pawh hian uluk taka a ngaihtuah hnu leh, a hlawhtlin theihna tura tha leh sum tam tak a senral tawhna, ram leh mipui tana tha zawk tur ngei ngei thil hi chu huai takin a kal tlangpui zel ngam tur a ni ang. Tun Sawrkar pheichu engkim hi mipui tana tha tur leh awlsamna lam ngaihtuah thin, Sawrkar hmasate aia tih tak takna nei ni khan kan hmuh

thintu nazawngte hi chu engahmah ngai lo ula, engtiklai pawhin tute emaw hi chu sawrkarlai sawichhe pawl leh dodal pawl hi chu an awm ve reng tur kha a ni ve tlat si a. Mahse, Sawrkar hmalakna leh mipui nunphung ti khaihlah khawpa chete hi chu dim miah lovin na takin hrem zel ni se, an chung a hremna, action lak theih chi ho pheichu an chung a sawrkar thutheihna ngei hmanga action lak hmak hmak ni zel rawh se. Ram leh hnam hmasawna tur an tih thuanawp fo avangin Sawrkar hi a takin che rap rap zel thin sela, ka theih tak emaw tia hetiang tih ching ho hian an sim zel mai ang. Tin, mahni hlawkna tur chauh ngaihtuah avanga buaina siam ching leh mipui nunphung tihbuai ching ho hi chu mipui pawh hian thlawp lo ngam zel ila, kan ram chu kan felfai chho zel mai anga, India ram state dangten min fak zel mai ang.

Tun kan sawrkar hi chu a danglam deuh bawk a, an sawrkar hnuah tute emaw party angin an member-te tan Aizawlah taxi permit pakhatmah an la pe ve lo ni khan an sawi bawk a ni. Tuna Aizawla taxi tlan ho zawng zawng hi chu tuna opposition party ni mek hoten an sawrkar laia an mi leh sate uchuak taka an lo pekte kha an la nih hmela hrih a nih chu. Chuvangin, tuna taxi pawl ho dodalna pawh hian awmzia tak tak a neih pheichu ka ring chiah lo naa, a engahmah hma, mipui mar pawh dek hmasa eih lova kawhmawh bawl zawnga thu

lo neih ve nghal ringawt hi zahthlak ka tih bakah, fuihpawrhthu an awm ngei ka rin bawk avangin heng thute hi ka han sawi ta duah a nih hi.

Tin, taxi thenkhat hi sawrkar ch-

hut dana permit nei ve si, mahse, mipui tana service tha peih tak tak lo, mipui tana chhawr naawm loh tak tak permit nei ve si engemawzat chu an awm niin a hriat bawk. Chu'ngcho chu kan ram, a bik takin Aizawla taxi permit pek zat zingah chhiar tel vek an ni tho si a. Sawrkar chhut dan leh Sawrkar mit atang chuan chu'ngcho chuan midang tana permit pek tur an dal lawi si a nih hmela.

A bik takin Aizawla two wheeler taxi engemawzat pawh hi mipui tana service tha peih lo an awm em? Mahni chungkaw tan chauhva che chhuak thin, public service permit nei si an awm tam em? Mahni nawmchen nan mai maia public service permit nei an tam em? Mipui mamawhtuten an hman dawn pawha, "Ka hman lo, ka peih loh, ka duh lo" ti vel mai maia duhdah taka mipui chhang thinte hi an ni em? tihte pawh hi sawrkar hian eng agency emaw hmangin zirchian chi a ni tawh mai lo maw? Permit cancell theih dan tam tak a awm kha.

Tin, tih tak takna nei lo tute emaw, party mi an nih vang maia tunhmaa taxi permit an lo pek ve mai mai ho hnen atang hian, kan state pawl leh India ram pawna miten an leisak leh an khalhsak hi tam tak a awmin a hriat a ni. Hengho leh sawrkar hmasa ho permit lo pek hoin Mizoram hmangaihna nei hauh lova mahni hlawkna tur chiah ngaihtuah mipui nunphung tibuai zawng leh, sawrkar tibuai zawnga an chet hi sawrkar leh mipui hian kan remti tur a ni lo.

Mi ram changkangten motor kal hlat zawng leh chuan man dik tak awlsam taka digital veka an en zung zung theih tawh laia, helaia rilru zimte put vanga tute emaw mi tlemte in lo dodal ve khanglang hi chu a thing em mai. A dodal ve lo permit neih ve duh hi kan tam tih sawrkar hian lo hre rawh se.

**"...mipui tana service tha peih lo an awm em? Mahni chungkaw tan chauhva che chhuak thin, public service permit nei si an awm tam em? Mahni nawmchen nan mai maia public service permit nei an tam em? Mipui mamawhtuten an hman dawn pawha, "Ka hman lo, ka peih loh, ka duh lo" ti vel mai maia duhdah taka mipui chhang thinte hi an ni em?.."**

deuh bawk si che u avang hian, engkim in tih hi chu huai takin kalpui zel ula, mipui pawhin an la thlawp zel che u niin a la lan zel hi.

Tin, chutianga in thil tih lo dodal

## Indian fans tana 2026 FIFA World Cup live chhawpchuaktu tur Zee Entertainment

USA, Canada leh Mexico-te inthlentawm tur kan hma lawk World Cup khelhna ram hun leh India hun inthlauhna avangin keini ramah chuan kumin World Cup match tam zawk hi zing vartian lamahte khelh a ni dawn a, TV lama inkhel pekchhuah man Fifa lamin an tihto bawk si avangin India leh thenawm China ramah live-a 2026 FIFA World Cup tichhuaktu tur an awm mai lo a, mahse, Fifa leh Zee Entertainment lamin broadcast live pechhuak turin inremna an ziaik fel ta a, Indian football fans tan thawk huaina tham a tling!

Zee Entertainment lam hian an linear television channel (UNITE8 Sports) leh an digital platform (Zee 5 app) kalltlangin kumin inkhel hi an pechhuak dawn a, hei bakah hian an inremna chuan kum 2034 thlang Fifa tournament lian chin pekchhuahna a keng tel lehzel a, he broadcast agreement hian 2030 World Cup leh 2027 Women's World Cup a huam tel a ni.

A tawi zawngin Zee leh Fifa inremna hian Fifa tihpui 39 zet a huam dawn a, chu'ng zingah chuan men's, women's leh youth competition thlangin an bilh tel vek a ni.

Zee hian FIFA World Cup 2026 entu tam zawk an neih theihna'n leh fans hip lehzualna'n kumin World Cup inkhel hi tawng hrang hranga sawihona leh comment-na nen an tichhuak (multi-language coverage) dawn nghe nghe.

World Cup tan hma ni 10 chiah awm



tawh tun Thawhtanni (nimin) mai khan 'Z' group leh Fifa hian kum riat daih inremna hi an ziaik fel chauh a ni.

Hriatna tizauah Zee tichhuah tur zinga mi 2030 World Cup hi Morocco, Portugal leh Spain-te'n an inthlentawm dawn piah lamah Fifa World Cup kum 100 tlin lawmna peng pakhat atan he tournament hmasaber thlengturu Uruguay bakah Argentina leh Paraguay ramah special centenary cel-

ebration match khelh a ni bawk ang.

Tarlan tawh thin angin, Fifa lam hian kumin tournament leh 2030 World Cup tichhuah man hi an chhiar to el ul khawp mai a, a tirah India package man atan hian US dollar mak-tadaui 100 tehreng an chhiar phawt a, inkhel en hun nen Indian fans-in an thlir tam taw lo ang tih hlauhthawna nen an indawn ngial hnuah Fifa lam hi USD 60 million-ah an tawlh hniat ta hram a; IPL atanga English Premier League thlenga pekchhuaktu India sports broadcaster lian JioStar phei chuan USD 20 million velin an dawn nghe nghe!

Viacom18 tih hming a put laia 2022 World Cup pekchhuaktu billionaire Mukesh Ambani ta JioStar dawma hi Fifa lam chuan an hnaw! fithla niin Reuters chuan a tarlang.

Viacom18 khan Qatar ram 2022 World Cup tichhuah manah khan USD 60 million vel Fifa hnenah a chhunglut niin an sawi a, Arab ram leh India hun inthlauhna (time zone) kha Indian fans tan inkhel enna'n a rem-chang a, kha vanga ngam huai ni pawhin an lang a, kumin erawh time zone inthlauhna avangin Viacom18 thlaktu JioStar lamin Fifa hnenah sum tam tak an thehchhuak ngam ta lo a ni.

India rama kum 2014 leh 2018 tournament pekchhuaktu Sony pawhin an han sawikhawm ve tak nain an ngamna zat tarlang buangbar loin Fifa pawh an dawr ta lo law law a ni.

## Thailand Open beisei leh nghal Satwik-Chirag



History thar ziaka Pathiannia Singapore Open title an sualchhuah hnuah Indian badminton star inkawp fuh Satwiksairaj Rankireddy leh Chirag Shetty thawk-dun mek chuan Thailand Open Super 1000 tournament title an beisei zui leh nghal dawn.

Singapore Open title la zo hlimhlawt Satwik leh Chirag hi seeded fourth ni chungin Thailand Open ah hian an iunlan zui leh dawn a, an match hmasabera an tum tur hi Malaysian pair Kang Khai Xing leh Aaron Tai an ni.

World No.1 pair hlui Satwik leh Chirag inkawp hian Pathiannia Singapore Open men's doubles final-ah game khat hloh zet chunga insiamthain Indonesian pair Fajar Alfian leh Muhammad Shohibul Fikri inkawp lakah hnehna an chang a, an pahnih inkawp chunga a wavi khatna atan Singapore Open title

an hlawh chhuak. Kha hnehna kha world No. 4 pair tana a hlut zualna chu Indian inkawp zing-ga Singapore Open doubles title la thei hmasaber an nihna kha a ni.

Thailand Open-ah hian Indian men's doubles pair dang MR Arjun leh Hariharan Amsakarunan-te chuan Malaysian pair Nur Mohd Azryin Ayub Azryin leh Tan Wee Kiong lakah bul an tan ve bawk ang.

Indian pair pahnih hi an chak ve ve chuan second round-ah an intum thei dawn!

PV Sindhu pawh women's singles lamah a inlan dawn a, Busanan Ongbamrungphan chu a match hmasabera a tum tur a ni.

Thailand Open men's singles lamah Lakshya Sen leh Kidambi Srikanth pawh an chhuak ve bawk.

Thailand Open Super 1000 badminton tournament hi wawin atanga khelh tan tur a ni.

## Dam lo fo chunga squad luah Rodriguez

Match nga lek khel chunga goal ruk zet thuna Brazil ram 2014 World Cup-a Golden Boot dawngtu Real Madrid midfielder hlui James Rodriguez kha tun season chhung damlohnain tlak-buak fo mah se Colombia World Cup squad atangin an la hnaw! ngam ta chuang lo a, kumin hian kum 34 mi ni tawh chungin ram tan World Cup a khel leh dawn.

Bayern Munich leh Everton player hlui hian tun season-ah khan Minnesota United Major League Soccer match wavi 15-ah tum hnih chiah starting line up a luah a, a minute zawnga a inkhel rei hun chhung hi minute 194 chiah a ni!

Kumin March thla mai khan France laka 3-1-a Colombia tlawm tumin inkhelh banah a dam lo leh a, damdawi inah hruai niin, tui tlakchhamna nasa tak avangin a dinhmun zirchiang turin ni thum ngawt admit a ni.

Tun MLS season tan dawn February thla mai khan Rodriguez hian American club Minnesota zawmin, damlohnain a tibuai ta fo a; social media lama a darh dan leh US media thenkhat tarlan

danin Colombia captain hian a nunna atan pawha hlauhawm thei hial tihrawl lam natna (rhabdomyolysis) a vei niin an tarlang a, hei hi a khelhna club lam chuan a dik lo thu uar takin an sawi.

Colombia squad-ah hian Rodriguez bakah Bayern Munich winger Luis Diaz pawh hmuh tur awmin, kum 2022 Qatar ram World Cup khel tura tling zo lo South American team hi kumin World Cup khel turin an tling a, an star player-te chu uaitla lam ni tawh hlawm mah se an la thlauthla phal lo niin a lang.

Crystal Palace player pahnih right-back or right wing-back Daniel Munoz leh defensive midfielder or centre-back Jefferson Lerma-te pawh squad-ah hmuh tur awmin, Arsenal goalkeeper hlui David Ospina lakah rinna an la nghat bawk.

Colombia hian Bogota khawpuiah training kalpuiin, nizan result tarlan hman loh friendly match pakhatah Costa Rica an hmachhawn a, June ni 7 hian Jordan an infiampai zui leh ang.

Kumin hi World Cup an khelh tum sarhna tur niin, June

ni 17 khian Group K bul an tanna inkhelah debutants Uzbekistan an tum dawn a, a hnu lamah DR Congo leh Portugal an su leh ang.

### COLOMBIA WORLD CUP SQUAD


**Goalkeepers:** Camilo Vargas (Atlas), Alvaro Montero (Velez Sarsfield), David Ospina (Atletico Nacional)

**Defenders:** Davinson Sanchez (Galatasaray), Jhon Lucumi (Bologna), Yerry Mina (Cagliari), Willer Ditta (Cruz Azul), Daniel Munoz (Crystal Palace), Santiago Arias (Independiente), Johan Mojica (Mallorca), Deiver Machado (Nantes)

**Midfielders:** Richard Rios (Benfica), Jefferson Lerma (Crystal Palace), Kevin Castano (River Plate), Juan Camilo Portilla (Atletico Paranaense), Gustavo Puer-ta (Racing de Santander), Jhon Arias (Palmeiras), Jorge Carrascal (Flamengo), Juan Fernando Quintero (River Plate), James Rodriguez (Minnesota United), Jaminton Campaz (Rosario Central)

**Forwards:** Juan Camilo Hernandez (Real Betis), Luis Diaz (Bayern Munich), Luis Suarez (Sporting), Carlos Andres Gomez (Vasco da Gama), Jhon Cordoba (Krasnodar)

## Swiatek vawtlatu Kostyuk



Tum nga ngawt French Open title hawn tawh Iga Swiatek pawh Pathianni khan a tla fel ve leh ta a; 7-5 6-1-a a ngam loh hi Rouen leh Madrid khawpuia kumin Roland Garros inbuatsaihna tournament-a title la thei ngat Ukrainian 15th seed Marta Kostyuk a ni.

A kum 25-na piancham herchhuah ni takah Swiatek hian fourth-round match khelin, kumina chetha tluang mek Kostyuk chuan straight sets hmangin a dahtha ta a ni.

Polish third seed Swiatek hi a nghet lo chho ta viau mai a, a han che tha hlui a, a hnu lawkah rin loh taka tlawm leh mai mai a ching a, Court Philippe Chatrier inkhelah pawh khan rinkai zawk ni hle mah se 'Queen of Clay' tia hminglem an vuahsak ve ngat ni chungin a che nawi leh nai a, kum 2-24 hnu lamah he leilunga trophy chawi a nei leh thei ta lo chhunzawm zel!

Grand Slam-a wavi ruk lai champion tawh Pole hian tun June thla tawp lam hian Wimbledon title a kaw! mek humhim

turin Londoan khua a pan zui leh dawn a, kumin chhunga eng title mah la hawn lo a nih avangte hian grass-court major pawh hi a humhim zo lo mai ang tih rinna a lian chho zel!

Kostyuk thung hi kum 2026 chhunga clay leilung bika la tlawm chhin eih lo chungin French Open bul a tan a, tun thla tir lama Madrid Open title la thei, April thlaa Rouen Open trophy hawn bawk a nih avang leh a hmei-a-paa rinkaiho an tlak sup sup tawh avangin Paris-ah pawh hian hmeichhe lama title la thei turin rin a kai chho t an mai dawn!

Ukrainian Kostyuk hian a chipui Elina Svitolina a hmachhawn leh dawn a; quarter-final lut turin seventh seed Svitolina hian 4-6 6-4 6-0-in Switzerland nula Belinda Bencic a hneh.

Swiatek tlawm leh tak hnu hian Roland Garros men's and women's draws lamah hming hraw inhamtang zo an awm ta chiah lo a, French Open champion ni tawh an tlak fai tak vek avangin kumin hian hmeichhia

leh mipa singles bikah champion thar kan hmu dawn a ni.

Men's world number one Jannik Sinner, 24-times Grand Slam winner Novak Djokovic leh defending women's champion Coco Gauff-te an tla fel tawh hlawn a ni.

Kum 17 chhunga a wavi khatna atan Sorana Cirstea chuan French Open last eight a lut thung a, tun hi a career-a Grand Slam quarter-final a thlen wavi thumna chiah a ni nghe nghe.

He hmun thleng turin Romanian 18th seed Sorana Cirstea hian Pathianni zan khan 6-3 7-6 (7-4)-in Chinese qualifier Wang Xiyu a hneh a; third round-ah 6-0 6-0-in Solano Sierra a lo hneh tawh bawk.

May thla tir lam hian Cirstea hian Romne khaw tournament-ah world number one Aryna Sabalenka ngei mai a lo hnawtchhuak tawh bawk a, kumin tawp ruala professional tennis chawhhsan a tum thu a puan hnu hian kum 36 mi lai a ni ve tawh tih hriat mang loh khawpin a rawn vung chho leh ta tlat a nih hi!



FOOTBALL TITI

- Manchester City chhuahsan tawh mai tur Portugal midfielder Bernardo Silva chu Atletico Madrid leh Benfica ten an hnen pan turin an sawm ngei tak naa Barcelona zawm a thlang zawk thung. (Times, subscription required)
- Eintracht Frankfurt forward Jean-Matteo Bahoya chu Premier League leh Saudi Pro League club ten lak tumin an ngaihven hlawn. (Sky Sports, external)
- January thlaa Bundesliga club Frakfurt chhuahsan German manager Dino Toppmoller chu Oliver Glasner thlak a, Crystal Palace manager thar ni thei zingah a tel. (Sky Sport - in German, external)
- Aston Villa chuan kum 22 mi Netherlands midfielder Lamare Bogarde chu chelh ngei an tum a, contract thar chungchangaw dawr thuai an tum. (Football Insider)
- Bournemouth boss hlui Andoni Iraola chu Bundesliga club Bayer Leverkusen nen an indawr. (Times, subscription required)
- Barcelona leh Bayern Munich te chuan Manchester City leh Croatia defender Josko Gvardiol lak tumin an ngaihven. (Goal)
- Atletico Madrid chu Manchester City leh Netherlands midfielder Tijjani Reijnders dawr turin an inbuatsaih. (Daily Mail)
- EPL ah an champion hnuin Arsenal boss Mikel Arteta chuan an squad thumchak leh zual a duh a, Aston Villa leh England winger Morgan Rogers chu lak a duh hle. Kum 23 mi Rogers hi Champions League winners Paris St-Germain pawhin an ngaihven ve bawk. (Mirror)
- Real Madrid a player lak tur daptu pawl zinga hmung langsar deuh deuh te chuan Arsenal midfielder Declan Rice la turin an club thuneitne an nawr na hle hlawn. Kum 27 mi hruiatu tha, thahrui ngah leh thiamna ril nei tha tak England midfielder hian an mit a la hle. (Teamtalk)
- Liverpool goalkeeper Alisson chuan an manager thar hnenah Anfield chhuahsan a, Juventus zawm a duh thu hrilh thuai a tum. (Gazzetta dello Sport - in Italian)
- Manchester United chuan Atalanta atanga Brazilian midfielder Ederson la turin inremna an nei fel thei tep tawh. Kum 26 mi hi £35m vel bawrin an lak theih a rinawm. (Talksport)
- Portugal midfielder Joao Palhinha chuan loan a zawm mek Tottenham chu a ngheta zawm a duh lova. Bayern Munich a chhuahsan dawn a nih pawhin Tottenham aiin Sporting zawm a tum zawk dawn. (A Bola - in Portuguese)
- Manchester United, Chelsea, Arsenal, Tottenham, Liverpool leh Newcastle te chuan AC Milan winger Rafael Leao lak tumin an ngaihven hlawn. Kum 26 mi hian nipui bazar inhawn hunah San Siro chhuahsan a duh a, ngaihven a hlawn hle. (Calciomercato - in Italian)
- Paris St-Germain chuan Atletico Madrid forward Julian Alvarez an ngaihven zui tawh lova. Kum 26 mi Argentina international hi Arsenal leh Barcelona ten an la bengkhawn reng thung. (Mundo Deportivo - in Spanish)
- Manchester United chuan an defender Harry Maguire chu Inter Milan hnenah an zawrh a. Serie A champion Inter hian an lo uksak tehchiam lo thung. (Gazzetta dello Sport via Football Italia)

# Milner-a'n boot a khai

## Zverev-a'n Quarter-final a lut



English Premier League-a khel hnen ber James Milner chuan player anga a football zing kawng a zawh tawp a, ballboot khaiin football a chawhlsan. Kum 40 mi midfielder thawhlawk James Milner hian a khel mekna Brighton & Hove Albion ah contract a hmang zo va. Contract hmang zovin kum thum chhung hun a lo hman tawhna Brighton a chhuahsan. Ngaihventu neuh neuh la nei bawk mah se chawh a thlang a, player anga a football zing kawng chu a zawh tawp ve ta a ni.

Player taima leh tlo James Milner hian club paruk zet tan English Premier League a hmachhawn tawh, EPL-ah hian season 24 chhung zet a hmang. EPL-ah hun a hman chhungin wavi 658 ngawt khelin EPL khel hnen ber a ni a. Amah hnaih bertu EPL a wavi 653 khel tling tawh Gareth Barry aiin wavi ngaiin a khel tam zawk a, khawvel tualchhung League ropui berah record duhawm tak a siam. Season 24 zet EPL-a hun a hman chhung hian EPL rophy wavi thum a la a. Wavi khat Liverpool a champion pui

bakah Manchester City a champion pui bawk.

Milner hian Leeds United tan EPL-ah bul a tan a, Leeds tan hian wavi 48 a khel. Leeds United tan hian kum 16 leh ni 356 leka upa a nih laiin goal a thun a, hetihlai hian EPL-a goal thun thei naupang ber a ni hial a. Tunah chuan EPL a goal thun thei naupang lamah pathumna a ni tawh thung a. A chungah hian Arsenal rawlthar Max Dowman (kum 16 leh ni 73) leh James Vaughan (kum 16 leh ni 270) te an awm.

Leeds United atangin Newcastle United a zawm a. Magpies tan hian wavi 94 a khel a. Hemi hnu hian loan-a a zawm Aston Villa chu a ngetin a zawm leh. Villa tan a vul hnuin team lian zawk Manchester City a zawm zui leh a. City tan hian EPL-ah wavi 147 zet a khel a, EPL-ah wavi hnih a champion pui.

Manchester City atanga EPL trophy a chawi hnuin Liverpool a zawm zui leh. Reds tan hian EPL-ah wavi 230 a khel a, EPL-ah wavi khat a champion pui bawk. Liverpool ah chuai lam a pan hnuin kum 2023 khan Brighton & Hove Albion a zawm. Kum 2024-25 season kha hliam vangin a inlan thei lo va, 2025-26-ah erawh a khel tha thawkhat viau thung. Brighton tan hian wavi 39 a khel hman. 2024-25 season ah hliamin tibuai lo se chuan tun ai hian EPL khel hnen ber record a tizua leh zual bawk ang.

EPL-ah club paruk tana inlan tawh Milner hian season 24 chhungin goal 56 ( Liverpool 19, City 13, Aston Villa 12, Newcastle 6, Leeds United 5 leh Brighton 1) a thun tling. Midfielder ni chunga goal 56 a thun tlin bakah hian assist wavi 90 ngawt a nei tling a. EPL-a assist ngah zual 10 zingah a tel phak hial nghe nghe a ni.

Club tan tha taka a khel rualin England tan pawh player tangkai a ni reng thin a. Three Lions tan hian inelna hrang hrangah wavi 61 a khel.

Player ang football chawhlsan ta James Milner chuan football a khel chhunga a mah thlawp a, thawhpuitu zawng zawng chhungah lawmthu sawi chhungin ball boot a khai ta a ni.

Grand Slam-ah champion ve ngei tuma tan khawh Alexander Zverev chuan French Open 2026-ah hma lam a pan zel a, quarter-final a lut.

Carlos Alcaraz, Jannik Sinner leh Novak Djokovic te an awm tawh loh vanga champion theihna hun nei tha Zverev hian Pathianni zan khan foruth round-ah Jesper de Jong a hmachhawn a, set hloh lovin a chak. Olympic a wavi hnih champion tawh Zverev hian De Jong lakah 7-6(3), 6-4, 6-1 in hnehna a chang a. Quarter-final-ah Spanish star Rafael Nadal a hmachhawn zui leh ang. Tun hi Roland Garros-ah wavi rasih quarter-final a luhna a ni.



## RCB an champion nawn

## Sooryavanshi-a'n Car a dawng

Pathianni zan khan khawvela Cricket club te inelna lian leh sum tamna ber Indian Premier League (IPL) final khel a ni a. Champion lai Royal Challengers Bengaluru (RCB) chuan wicket ngai Gujarat Titans an hneh a, an champion nawn leh.

IPL 2026 final-ah hian Gujarat Titans in an vaw hmasa a, an chet ha lem lo hle. Over 20 chhungin run 155 chauh an siam a, mi pariat lai an out. Gujarat Titans tana run siam hnen ber Washington Sundar

chuan ball 37 a hmachhawn atangin run 50 a siam. An vuak that tawh loh vangin champion thei turin an vawm that hle a ngai ve thung dawng.

Champion lai RCB vuak hun a thlang a, an target khum a, champion nawn ngei tumin tan an khawh. Gujarat Titans run siam 115 hi harsa lem lo takin over 18-ah an khum. Over 18-ah hian run 161 an siam a, mi panga chauh an out. Gujarat Titans in tha tak vawm a, champion an tuma an puitlin zo lova. RCB hian Wicket nga in an khingpuite lakah hnehna an chang a, phu takin an champion nawn leh ta a ni.

Royal Challengers Bengaluru tan hian captain Virat Kohli a chettha viau a, ball 42 a hmachhawn atangi run 75 a siam hman a. Out lovin a dingtluan. Player langsar Virat Kohli hian kum 2008 khan IPL a khel tan a, hlawn tling takin hun a hmang. 2024 T20 World Cup zawh atangin 20-ah ram tan inkhelh a chawhlsan a. Ram tan chawl tawh mah se inelna ngaihhluthlawh IPL-ah player tha bik a nihzia a lantir nawn leh.



Cricket-a inelna lian Indian Premier League (IPL) 2026 a langsar thar tak kum 15 mi Vaibhav Sooryavanshi chuan a chet that vangin Car a dawng.

Ve vuak Sooryavanshi hi IPL 2026-ah a chettha viau a, inning 16-nah run 776 a siam a, a strike rate hi 237.30 zet a ni. Rajasthan Royals chu final hrui thlang zo lo mah se IPL 2026 a Rajasthan Royals - Most Valuable Player-ah thlan a ni a. IPL-ah rawlthar tha berah thlan niin Orange Cap a dawng bawk.

IPL a player naupang ber Sooryavanshi hian kum 14 mi ni

chungin Rajasthan Royals tan a game hmasa ber a khel a. Naupang te ni chunga a chet that em vangin Rawlthar tha berah thlan niin Orange Cap a dawng a. He lawmman hian Car changkang Tata Sierra a keng tel. Car changkang dawn tawh bawk mah se Sooryavanshi hi kum 15 mi chauh a la ni a, Car khalth thei turin kum thum a ngah a la ngai dawn. Hmabak eng tak nei Sooryavanshi hian mimal lawmman £30,000 zet a dawng tling a, hei hian India pawisa chuan Rs. 38,36,406/- zet a ni. Hei hi a hlawn tel lo mimal lawmman bik ni.



## Box office-ah 'Backrooms' a No.1, director Kane Parsons-a'n record a siam

Kane Parsons film siam 'Backrooms' chuan tun weekend kalta khan North America-ah cinema hall ticket hralhna atangin dollar maktaduai 81.45 la lutin, No.1 a ni. Kane Parsons hi kum 20 mi chauh a la ni a, box office No.1 ni thei film director naupang ber record a siam. A film siam hi YouTube short film series viral behchhan niin, dollar maktaduai 10 chauh senga a siam a ni nghe nghe.

Box office ranking hi weekend (Zirtawpni - Pathianni) chhunga North America (a bikin US) a cinema hall ticket hralhna sum chevel atanga tehin siam thin a, film lar dan tehna pawimawh tak a ni.

Kane Parsons hmaa box office No.1 ni thei film siamtu naupang ber chu Josh Trank niin, 2012 khan a film siam superhero movie 'Chronicle' chu No.1 a ni a, chutihlai lai chuan Josh hi kum 27 mi a ni a, a record hi Kane hian a rawn khum ta a ni.

Backrooms film-ah hian architect che fuh-leithe lo (Chiwetel Ejiofor) chuan furniture dawr a

enkawl a room hrang hranga a chet fuh loh dan vel te tarlan a ni. He film entu tam zawk, 86% zet chu kum 35 hnuailam an ni a, chung zingah a chanve aia tam mah chu kum 25 hnuailam an ni baw.

Tunhnaiah YouTube to film siam box office-ah a chehtha thei riaw mai a, kar hniah vel liam ta mai khan YouTube Curry Barker film siam 'Obsession' pawhin Hollywood a rawn barakhaih a, dollar 7,50,000 chauh senga a siam he film hi tunah a kar thumna ni tawhin, opening weekend aiin a kar hniahna leh a kar thumnaah sum a la la lut tam zawk lenghal, 1982-a E.T.: The Extraterrestrial hnu opening weekend aia a weekend wavi hniahna leh wavi thumnaah sum a la lut tam zawk ni leh thei hmasa ber a ni baw.

Obsession hian tun weekend kalta khan dollar maktaduai 26.4 la lut lehin, a opening weekend aiin a sum lak luh hi 39%-in a pung a, tihian kar thum chhungin US-ah dollar maktaduai 104.7 a la lut tling der tawh a, US pawna a lak luh nen chuan



dollar maktaduai 148 a la lut tling tawh baw. Dollar maktaduai pawh sen tin lohna film-ah chuan hlawhtling tek tek tak a ni.

Kar kalta box office No.1 'Star Wars: The Mandalorian and Grogu'-in dollar maktaduai 25 la lut lehin No.1 atangin No.3-ah a tawlh a, he film, dollar maktaduai 165 (marketing nen chuan dollar maktaduai 250 dawn an seng ang) senga siam hian khawvel huapin dollar maktaduai 171 a la lut tling tawh.

Box office No.1 hlui Michael Jackson biopic 'Michael' pawh a la

kaltluang viaw a, dollar maktaduai 11.7 la lut lehin No.4 a la ni a, he film hian khawvel huapin dollar maktaduai 339.9 a la lut tling tawh.

Film tlangzarh thar, Nate Bargatz film hmasa ber 'The Breadwinner'-in opening weekend-ah dollar maktaduai 7.5 la lutin, No.5 a ni a, he filmah hi Mandy Moore nen an chang dun a, a nupui awm loh chhunga a fate a kilcawhi dan leh a vanduai theih dan vel tarlanna a ni. Film tlangzarh thar dang, Brendan Fraser le Andrew Scott te chan-

uan Hypevolt hi 2.5kWh leh 5 kWh battery nei-ah duhthlan tur a awm a, hub motor leh mid-drive motor-ah duhthlan tur a awm baw. 12 kW (16 bhp) pechhuak thei niin, a top speed chu 115 kmph a ni a, a range hi up to km 140 niin an chhal a, fast charging a support baw.

EZI Hypevolt hian a ke hma leh hnungah disc brake a nei ve ve a, combi-braking system a nei a, India-ah an tlangzarh tur hi dual-channel anti-lock braking system (ABS) nei tura ngaih a ni. A safety feature-ah chuan traction control, hill descent control leh ill hold control a neia, rear camera leh blind spot detection system a nei baw.

EZI Hypevolt hi June thla laihawla tlangzarh tur a ni a, a man pawh tlawm vak lo tura ngaih a nih rualin BMW te ang em em a manto erawh a ni dawn lo a, official-a puan la awm lo mah se showroom-ah Rs 3,00,000 chunglam man a nih a rinawm.

nein, Guinness World Record an siam leh ta. He drone show hi Dujiangyan City, Sichuan province a tech company Yufengzhe Technology te nei niin, tum khatah drone 33,615 awmze nei taka thlawh tirin, show hmuhnamwam tak an nei a ni.

Heng drone 33,615 te hi milem chi hrang hrang siam nana hmangin, boruakah an inrem kual tir vel a, Guinness World Records chuan drone show a milem pakhat siam nana drone thlawh tir tam ber record-ah an puang a, square meter 1,48,561 a zau awhin milem an siamtir baw a, hei pawh hi boruaka LED mesh screen lian berah an puang baw.

## Keeway electric scooter India-ah tlangzarh dawn



Indian electric scooter market-ah player thar a rawn awm dawn a, tun thla hian Keeway chuan an electric scooter EZI Hypevolt chu India-ah an tlangzarh dawn tih an puang. Keeway hi Adishwar Auto Ride India (AARI)-in India-a a zawrh chhuahna vel an buaipui a, AARI hian QJ Motor leh Benelli te pawh an enkawl a, Indian two-wheeler market-ah an invawrh chak khawp mai a, petrol hmang scooter chak chi Vieste 300 leh Sixties 300i

pawh an lo tichhuak tawh a, tunah chuan Keeway hian Indian market atan an electric scooter hmasa ber an chhawpchuak ve dawn ta a, an ome market, China-ah chuan 'EZI' tiin an lo zuar chhuak tawh.

Electric two-wheelers lam buaipui turin Keeway hian 2020 khan EZI an din a, EZI hian Ziyang, Sichuan, China-ah thil siamna hmumpui an nei a, an brand hian scooter leh electric motorcycle brand hrang hrang an siamchhuak nual


tawh a, scrambler, cruiser leh maxi-scooter te pawh an nei nual tawh a ni.

A design-ah lamah EZI Hypevolt hi en thuak chuan mitthlaah BMW CE 04 a rawn lang tel lo thei lo! A pianzia leh nihphung hrim hrim, a seat awmdan te thlengin a inzul riau. Hypevolt hian split LED headlamp leh LED daytime running lights a tung zawngin a nei a, 14-inch alloy wheels neiin, a seat san zawng 770mm a ni a, kg 145 a rit a ni.

China-ah ch-

## Phuah Pawh

### China-in drone light show record an siam



Technology lama thang chak tak,

khawvelah pawh a 'ber' ni hial tawh tura ngaih


China chuan Sichuan van boruak-ah drone show

## Drake 'ICEMAN' a la No.1

Kar kalta Billboard 200 chart-ah khan Drake album pathum 'ICEMAN,' 'HABIBTI' leh 'MAID OF HONOUR' te chu chart No.1, 2 leh 3-ah awmin, he chart history-a tum khata No.1, 2 leh 3 ni thei hmasa ber a ni a, tunkar chart-ah pawh heng album pathum te hi top 10-ah an la lang leh vek a, K-pop group LE SSERAFIM album thar 'PUREFLOW' pawh top 10-ah a debut.

Billboard 200 chart hi kar khat chhunga US-a album hralh tam dan atanga tehin chart ranking siam thin a ni a, album hralh zat chhut nan hian album tak tak hralhna bakah streaming atanga album hralhna tlukpui leh album-a hla a mala hralhna atanga album tlukpui te belhkhawm thin a ni.

'ICEMAN' hi a kar hniah nan No.1-ah awm leh a, kar kalta nena khaikhinin a album hralh zat hi 52%-in tlahniam mah se kar khat chhungin 2,25,000 a la hralh leh thei a, chung zinga 2,23,000 chu streaming (on-demand official stream maktaduai 228.45) niin, album tak tak hralh chu 1,000 a ni a, album-a hla a mala



hralhna atangin 1,000 a la tling thei baw.

Top 5-a lang album dang pawh chart No.1 hlui vek niin, Ella Langley 'Dandelion' chu 93,000 hralh lehin No.5 atangin No.2 a kai thar leh a, Noah Kahan 'The Great Divide' chu 85,000 hralh lehin No.4 atangin No.3 a kai thar leh ta a, Morgan Wallen 'I'm the Problem' chu 80,000 hralh lehin No.6 atangin No.4 a kai thar leh a, Michael Jackson 'Thriller' chu 64,000 hralh lehin No.7 atangin No.5 a kai thar ve le ta baw.

Michael Jackson album dang 'Number

Ones' chu 60,000 hralh lehin No.8 atangin No.6-ah a insawn a, Drake 'HABIBTI' chu 53,000 hralh lehin No.2 atangin No.7-ah a tawlh a, Drake album dang 'MAID OF HONOUR' chu 42,000 hralh lehin No.3 atangin No.8-ah a tawlh a, chart No.1 hlui BTS ARIRANG chu 41,000 hralh lehin No.10 atangin No.9 a kai thar ve leh ta baw.

K-pop group LE SSERAFIM album thar 'PUREFLOW' chu 41,000 hralh in, No.10-ah a debut a, an album he chart top 10-a lang thei pangana a ni.

## Dua Lipa leh Callum Turner an innei



British pop star Dua Lipa, kum 30, leh actor Callum Turner, kum 36, te chu May ni 31 khan London-a Old Marylebone Town Hall-ah an innei. An inneihna hriatpui tur hian an chhungkhat laina hnai leh thiantha zual mi tlem azawng te an sawm a, London chhuak The Sun chanchinbu-in thlakal an tichhuahah chuan mo lawmna a tel te hian an inneih zawhah leh-kha mawi te an lo theh ve a, chumi hnuah nupa tuak tharte chu car dumin an tlan liam ta a ni.

Inneihnaah hian Dua Lipa hian Schiaparelli Couture

suit dreaa leh pawnfan var fit mai leh blazer inbelin, lukhum parh hlai tha tak khumin kutkawr a bun baw. Fantastic Beasts star Callum Turner chuan navy double breasted Ferragamo suit a a ve thung. Pathianni kaltaa an inkutsuihna bakah hian Villa Ig-ia, Palermo, Italy-ah mo lawmna nei leh an tum niin The Sun chuan a tarlang baw.

Dua Lipa leh Turner te hi January 2024 atang khan vantlang hriatin an inzu tan a, Dua Lipa hian an inhual thu hi June 2025 khan puangin, an inual atanga

kum khat vel chiah chiaha an innei ta a ni.

Dua Lipa hian nikum December khan khawvel huapa Radical Optimism tour a nei chhu a zo fel a, kum khat vel zen zawng he tour hi a nei a, he tour-ah hian show wavi 59 neiin, ticket maktaduai 1.2 chuang a hralh a, tour sum tlingkhawm pawh dollar maktaduai 141 chuang a ni. Dua Lipa hian kar kalta khan a live album 'Live From Mexico' tichhuakin, he album-ah hian Mexico City-a Estadio GNP Seguros-ah a performance te a dah a ni.

## Luphut tihreh nan a tha te:

Coconut oil + Nimbu - Oil lum deuh pep pepah nimbu far 4-5 far la, lu vunah nuai la, darkar 1 hnuah tleuh tur. Kar khatah wavi 2 tih thin tur. Apple cider vinegar - Tui nen 1:1 (a inzatin) pawh la, shampoo-a lu i suk hnuah lu-ah leih la, lu vunah nuai la, minute 5 hnuah tleuh tur. Fungus a that. Aloe Vera gel - A fresh la la, lu vunah tat la, min 30 hnuah tleuh tur.

### Tih loh tur:

Tui sa lutuk a lusuk - Lu vun a tiro, luphut a tizual. Tui lum pep pep hmang rawh. Hiah nasat lutuk - Vun a pilh thei, infection a awm belh thei. Hair gel/spray tam lutuk - Pores a hnawh. Sam hul lo chung mut - Fungus insiamna a ni. Engtikah nge doctor pan tur

Thla 1 shampoo bik i hman hnuah pawh a reh lo a, lu vun a sen hlar, a thak lutuk, a pilh - Seborrheic dermatitis/Psoriasis a ni thei.

Sam a tla nasa - Fungal infection nasa a ni thei. Naupang kum 2 hnuai lamah chuan Cradle cap a ni thei. Dermatologist in steroid lotion emaw tablet an chawh mai thei.

### Luphut awm loh nan:

Stress tihhniah - Stress hi luphut a tichhuaktu a ni thei. Thau/mawm ei tlem - Cheese, artui, sa thau tlem leh mawm ei tlem rawh Zinc, B-vitamin, Omega-3 ei tam - Arsa, sangha, ant am, behlawi te a tha. Sam khuih fai - Thisen kal a tiha.

